

四庫全書

集部

欽定四庫全書

集部

文選卷十七至十九

詳校官庶吉士_臣汪彥博

助教_臣常循覆勘

總校官檢討_臣何思鈞

校對官編修_臣勵守謙

謄錄監生_臣劉贊化

欽定四庫全書

文選卷十七

梁蕭統編

唐李善註

論文

文賦

并序

陸士衡

臧榮緒晉書曰機字士衡吳郡人祖遜吳丞相父抗吳大司馬機少襲領父兵

為牙門將軍年二十而吳滅退臨菑里與弟雲勤學積十一年譽流京華聲溢四表被徵

為太子洗馬與弟雲俱居洛司徒張華素重其名舊相識以文華呈天才綺練當時獨絕

新聲妙句係蹤張蔡
機妙解情理作文賦

余每觀才士之所作竊有以得其用心

作謂作文也用心言士用心於

文莊子堯曰此吾所用心

夫放言遣辭良多變矣

夫作文者放其言遺其辭多變故非

一妍蚩好惡可得而言

文之好惡可得而言論也范曄後漢書趙壹刺世疾邪曰孰知

辨其妍蚩廣雅曰妍好也說文曰妍慧也釋名曰蚩癡也聲類曰蚩駮也然妍蚩亦好惡也

每自屬

文尤見其情

論衡曰幽思屬文者記美言屬綴也杜預左氏傳注曰尤甚也士衡自言每屬文甚

見為文之情

恒患意不稱物文不逮意

爾雅曰逮及也

盖非知之難

能之難也

尚書曰非知之艱行之惟艱

故作文賦以述先士之盛藻

因論作文之利害所由

利害猶好惡孔安國尚書傳曰藻水草之有文者故以喻文焉

他日殆可謂曲盡其妙

言既作此文賦他日而觀之近謂委曲盡文之妙道論語經曰

他日又獨立趙岐孟子章句曰他日異日也

至於操斧伐柯雖取則不遠

此喻

見古人之法不遠毛詩曰執柯伐柯其則不遠注則法也伐柯必用其柯大小長短近取法於柯謂不遠也

若夫隨手之變良難以辭逮

言作之難也文之隨手變改則不可以辭逮也莊子

輪扁謂桓公曰斲徐則甘而不固疾則苦而不入不蓋疾不徐得於手而應於心口不能言也有數存焉

所能言者具於此云

蓋所言文之體者具此賦之言

佇中區以玄覽願

情志於典墳

漢書音義張晏曰佇久俟待也中區區中也字書曰玄幽遠也老子曰滌除玄覽河

上公曰心居玄冥之處覽知萬物故謂之玄覽幽通賦曰皓顯志而不傾空氏傳楚子曰左史倚相能讀三墳

五遵四時以歎逝瞻萬物而思紛遵循也循四時而歎其逝往之事覽視萬

物盛衰而思慮紛紜也淮南子曰四時者春生夏長秋收冬藏悲落葉於勁秋喜柔條

於芳春秋算衰落故悲春條敷暢故喜也淮南子曰木葉落長年悲心慄慄以懷霜

志眇眇而臨雲慄慄危懼貌眇眇高遠貌懷霜臨雲言高潔也說文曰慄慄寒也孔融薦禰衡

表曰志懷霜雪舞賦曰氣若浮雲志若秋霜詠世德之駿烈誦先人之清芬

言歌詠世有俊德者之盛業先民謂先世之人有清美芬芳之德而誦勉毛詩曰王配于京世德作求又曰在

昔先民有作游文章之林府嘉麗藻之彬彬論語曰文質彬彬然後君子孔

安國注曰彬彬文質相半之貌慨投篇而援筆聊宣之乎斯文韓詩外傳曰徐

叔教治楚三年而國霸楚史援筆而書之於策尚書中侯曰玄龜負圖出洛周公援筆以寫也其始也

皆收視反聽耽思傍訊收視反聽言不視聽也耽思傍訊靜思而求之也毛萇詩傳曰

耽樂之久廣雅曰訊問也精驚八極心遊萬仞精神與也八極萬仞言高遠也淮南子曰

八絃之外乃有八極包咸論語注曰七尺曰仞其致也情瞳矐而彌鮮物昭晰

而互進爾雅曰致至也珥蒼曰瞳矐欲明也說文曰昭晰明也傾羣言之澀液漱

六藝之芳潤揚子法言曰或問羣言之長曰羣言之長德言也宋衷曰羣非一也周禮曰六藝禮

樂射御書數也浮天淵以安流濯下泉而潛浸言思慮之至無處不至故上至

天淵於安流之中下至下泉於潛浸之所劇秦美新曰
盈塞天淵之間楚辭曰使江水兮安流毛詩曰冽彼下
泉浸彼
於是沈辭佛悅若遊魚銜鉤而出重淵之深佛
苞粮

難出之貌浮藻聯翩若翰鳥纓繳而墜曾雲之峻
聯翩將墜貌王弼周

易注曰翰高飛也說文曰繳生絲纓也謂纓繫矰矢而以弋射收百世之闕文採千載

之遺韻論語子曰吾猶及史之闕文也謝朝華於已披啓夕秀於未振

華秀以喻文也觀古今之須臾撫四海於一瞬
高唐賦曰須臾

之間司馬遷曰卒卒無須臾之間莊子老聃曰悅仰之
間再撫四海之外呂氏春秋曰萬世猶一瞬說文曰闕

闕目數搖然後選義按部考辭就班
小雅曰班次也抱景者咸也尸閔切

叩懷響者畢彈

言皆叩擊而用

或因枝以振葉或沿波而討源

孔安國尚書傳曰順流而下曰沿源水本也

或本隱以之顯或求易而得難

言或本之於隱而遂之顯或求之於易而便得難之或為未非也

或虎變而獸擾或龍

見而鳥瀾

周易曰大人虎變其文炳也言文之來若龍之見煙雲之上如鳥之在波瀾之中應劭曰

擾馴也莊子曰君子尸居而龍見大波曰瀾

或妥帖而易施或岨嵒而不安

妥帖易施貌公羊傳曰帖服也廣雅曰帖靜也王逸楚辭序曰義多乖異事不安帖岨嵒不安貌楚辭曰圓鑿

而方枘兮吾固知其鉏鋸而難入安他果切帖土協切岨助舉切嵒魚呂切

罄澄心以凝思

眇衆慮而為言

周易曰神也者妙萬物而為言者也籠天地於形內挫萬

物於筆端

淮南子曰太一者牢籠天地也說文曰佳折也韓詩外傳曰辟文士之筆端辟武士之鋒

端辟辨士之舌端

始蹶蹶於燥吻終流離於濡翰

廣雅曰蹶蹶蹶也鄭玄

毛詩箋云志往謂蹶蹶也蹶與蹶同蹶蹶與蹶蹶同蒼頡篇曰吻脣兩邊也莫粉切字林曰吻口邊流離津液

流貌劉公幹詩曰叙意於濡翰毛萇詩傳曰濡漬也濡如娛切漢書音義韋昭曰翰筆也協韻音寒

理扶

質以立幹文垂條以結繁

文之體必須以理為本垂條以樹喻也廣雅曰幹本也

鄭玄禮記注曰繁盛也

信情貌之不差故每變而在顏

楚辭曰情與貌其不

變思涉樂其必笑方言哀而已歎或操觚以率爾或含

毫而邈然

觚木之方者古人用之以書猶今之簡也史由急就章曰急就奇觚觚木簡也論語先進

篇子路率爾而對毫謂筆毫也王逸楚辭注曰銳
毛為毫也毛詩曰聽我藐藐毛萇曰藐藐然不入伊茲

事之可樂固聖賢之所欽

茲事謂文也左氏傳仲尼曰志有之言足以志文足以言

不言誰知其志言而不文行之不遠

課虛無以責有叩寂寞而求音

春秋說題

辭曰虛生有形淮南子曰寂寞音之主也

函緜邈於尺素吐滂沛乎寸心

毛萇

詩傳曰函含也古詩曰中有尺素書列子文摯謂叔龍曰吾見子之心矣方寸之地虛矣

言恢之而彌

廣思按之而逾深

杜預左氏傳注曰恢大也按抑按也言思慮一發愈深恢大

播芳

蕤之馥馥發青條之森

說文曰蕤草木華垂貌纂要曰草木華曰蕤字林曰森多

木長貌以喻文采若芳蕤之香馥青條之森盛也

架風飛而焱豎鬱雲起乎翰

林

爾雅曰楓颯謂之森長

體有萬殊物無一量

文章之體有萬

變之殊衆物之形無一定之量也淮南子曰斟酌萬殊

紛紜揮霍形難為狀

紛紜亂貌

揮霍疾貌西京賦曰跳丸劍之揮霍

辭程才以效伎意司契而為匠

衆辭俱湊

若程才效伎取捨由意類司契為匠老子曰有德司契論衡曰能雕琢文書謂之史匠也

在有無而

倨俛當淺深而不讓

毛詩曰何有無倨俛求之倨俛由勉強也論語子曰當仁不讓於

師

雖離方而遯員期窮形而盡相

方員謂規矩也言文章在有方圓規矩也

故夫夸目者尚奢恆心者貴當

其事既殊為文亦異故欲夸目者為文尚奢欲

快心者為文貴當恆猶快也起頗切

言窮者無隘論達者唯曠

其言窮賤者立說無

非湫隘其論通達詩緣情而綺靡賦體物而瀏亮詩以言志

者發言唯存放曠故曰緣情賦以陳事故曰體物綺靡精妙之言瀏亮清

明之稱漢書甘泉賦曰瀏清也字林曰清瀏流也碑披文以相質誄纏繇而悽愴碑以叙德故文質相半誄以陳哀故纏繇悽愴

銘博約而溫潤箴頓挫而清壯博約謂事博文約也銘以題勒示後故博約溫

潤箴以譏刺得失故頓挫清壯頌優游以彬蔚論精微而朗暢頌以褒述功美

以辭為主故優游彬蔚論以評議臧否以當為宗奏平

徹以閒雅說煒晠而譎誑奏以陳情敘事故平徹閒雅說以感動為先故煒晠譎誑

雖區分之在茲亦禁邪而制放要辭達而理舉故無取

乎穴長

論語子曰辭達而已矣文類漢書注曰穴散其也如勇切言大章體要在辭達而理舉也

為物也多姿其為體也屢遷

萬物萬形故曰多姿文非一則故曰屢遷琴賦曰既

豐瞻以多姿周易曰為道也屢遷

其會意也尚巧其遣言也貴妍聲音

聲之迭代若五色之相宣

言音聲迭代而成文章若五色相宣而為繡也爾雅曰豎

及也又曰迭更也論衡曰學士文章其猶絲帛之有五色之功杜預左氏傳注曰宣明也雖逝止之

無常固崎嶇而難便

言雖逝止無常唯情所適以其體多變故崎嶇難便也逝止猶去留

也崎嶇不安貌楚辭曰嶇崎嶇音蟻

苟達變而識次猶開流以納

泉

言其易也如失機而後會恒操末以續顛言失次也謬玄黃之

秩叙故渙忍而不鮮

言音韻失宜類繡之玄黃謬叙故渙忍垢濁而不鮮明也禮記曰朱

綠之玄黃之以為黼黻文章楚辭曰或渙忍之流俗王逸曰渙忍垢濁也

或仰逼於先條或

俯侵於後章

廣雅曰條科條也凡為文之體先後皆須意別不能者則有此累

或辭害

而理比或言順而意妨

周易曰比輔也說文曰妨害也

離之則雙美合

之則兩傷考殿最於錙銖定去留於毫芒

漢書音義項岱曰殿負也

最善也韋昭曰第上為最極下曰殿又曰下功曰殿上功曰最鄭玄禮記注曰八兩為錙漢書曰黃鐘之一籥

容千二百黍重十二銖然百黍重一銖也應劭漢書注曰十黍為一糸十糸為一銖荅賓戲曰銳思毫芒之內

音義曰芒稻芒毫免毫

苟銓衡之所裁固應繩其必當

言銓衡所裁苟有輕

重雖應繩墨須必除之聲類蒼頡篇曰銓稱也曰銓所以稱物也七全切漢書曰衡平也平輕重也尚書曰惟木從繩則正莊子曰

或文繁理富而意不指適極無兩

匠石治木直者應繩

致盡不可益言其理既極而無兩致其言又盡而不可益

立片言而居要乃

一篇之警策

以文喻馬也言馬因警策而彌駁以喻文資片言而益明也夫駕之法以策駕乘今

以一言之好最於衆辭若策驅馳故云警策論語子曰片言可以折獄左氏傳繞朝贈士會以馬策曹子建應詔詩曰僕夫警策鄭玄

雖衆辭之有條必待茲而效績

周禮注曰警敕戒也

必待警策之言以効其功也魯語公亮功多而累寡故父文伯之母曰男女效績愆則有辟

取足而不易

言其功既多為累益寡故以取足而不改易其文

或藻思綺合清

麗千眠

說文曰謂文藻思如綺會千眠光色盛貌

炳若緡繡悽若繁絃

說文曰綺

繁彩色也又繡五色彩備也蔡邕琴賦曰繁絃既抑雅音復揚

必所擬之不殊乃閤合

手曩篇

言所擬不異閤合昔之曩篇爾雅曰曩久也謂久舊也

雖杼軸於予懷悵

他人之我先

杼軸以織喻也雖出自已情懼佗人先已也毛詩曰杼軸其空

苟傷廉而

愆義亦雖愛而必捐

言佗人言我雖愛之必須去之也王逸楚辭注曰不受曰廉說文曰

捐棄也

或苔發穎豎離衆絕致

苔草之苔也言作文利害理難俱美或有一句同乎

苔發穎豎離於衆辭絕於致思也毛詩傳曰苔陵苔形也徐卿子曰蒙鳩為巢繁之葦苔小雅曰禾穗謂之穎

不可逐響難為係

言方之於影而形不可逐譬之於聲而響難係也鵲冠子曰影之隨形響

之應塊孤立而特峙非常音之所緯文之綺麗若經緯相成一句既佳塊

然孤立而特峙非常音所能緯也心牢落而無偶意徘徊而不能掃牢落

猶遼落也言思心牢落而無偶掃之意徘徊而未能也蔡邕琴師賦曰時牢落以失次罅經蹇而陽絕說文曰

掃取也佗狄切協韻佗帝切或為禘禘猶去也石韞玉而山輝水懷珠而川媚

雖無佳偶因而留之譬若水石之藏珠玉山川為之輝媚也尸子曰水中折者有玉圓折者有珠徐卿子曰玉

在山而水潤淵生珠而岸不枯高氏注玉陽中之陰故能潤澤草珠陰中之陽有明故崖不枯廣雅曰韞藏也

彼榛楛之勿翦亦蒙榮於集翠榛楛喻庸音也以珠玉之句既存故榛楛之辭

亦美毛詩曰榛楛濟濟郭璞山海經注曰榛小栗楛木可以為箭綴下里於白雪吾亦

濟夫所偉

言以此庸音而偶彼佳句譬以下里鄙曲綴於白雪之高唱吾雖知美惡不倫然且以益

夫所偉也宋玉對楚王問曰客有歌於郢中者其始曰下里宋玉笛賦曰師曠為白雪之曲淮南子曰師曠奏白雪而神禽下降白雪五十絃瑟樂曲名下里俗之謠歌說文曰偉猶奇也協韻尚貴切

或託言於

短韻對窮迹而孤興

短韻小文也言文小而事寡故曰窮迹迹窮而無偶故曰孤興

俯

寂寞而無友仰寥廓而莫承

言事寡而無偶俯求之則寂寞而無友仰應之則寥

廓而無所承

譬偏絃之獨張含清唱而靡應

言累句以成文猶衆絃之成曲

今短韻孤起譬偏絃之獨張含清唱而無應韻之孤起蘊麗則而莫承也毛萇詩傳曰靡無也應於

興切

或寄辭於瘁音言徒靡而弗華

瘁音謂惡辭也靡美也言空美而不光華

也班固漢書贊曰纖微憔悴之音作混妍蚩而成體累而民思憂薛君韓詩章句曰靡好也

良質而為瑕

妍謂言靡蚩謂瘁音既混妍蚩共為一體翻累良質而為瑕也禮記曰玉瑕不掩瑜

鄭玄曰瑕王之

病也胡加切

象下管之偏疾故雖應而不和

言其音既瘁其

言徒靡類乎下管其聲偏疾升歌與之間奏雖復相應而不和諧杜預左氏傳注曰象類也禮記曰升歌清廟

下管象武王肅家語注曰下管堂下吹管象武舞也

或遺理以存異徒尋虛而逐

微言寡情而鮮愛辭浮漂而不歸

漂猶流也不歸謂不歸於實

猶絃

么而徽急故雖和而不悲

說文么小也於遠切淮南子曰鄉忌一徽琴而威王終久

悲許慎注曰鼓琴循絃謂之徽悲雅俱有所以成樂直雅而無悲則不成

或奔放以諧合務

嘈噴而妖冶

埤蒼曰嘈噴聲貌嘈與噴及嘯同才曷切

徒悅目而偶俗固高

聲而曲下

言聲雖高而曲下張衡舞賦曰既娛心以悅目廣雅曰偶諧也耦與偶古字通

寤防

露與桑間又雖悲而不雅

防露未詳一曰謝靈運山居賦曰楚客放而防露作注曰

楚人放逐東方朔感江潭而作七諫然靈運有七諫有防露之言遂以七諫為防露也禮記曰桑間濮上之音亡國之音也鄭玄曰濮水之上地

有桑間先亡國之音於此水上

左氏傳君子曰臣除煩而去惑

闕大羹之遺味同朱絃之清記

雖一唱而三歎固既雅而不豔

言作文之體必須文質相半雅豔相資今文少

而質多故既雅而不豔此之大羹而闕其餘味方之古樂而同清記言質之甚也餘味謂樂羹皆古不能備其

五聲五味故曰有餘也禮記曰清廟之瑟朱絃而疏越一唱而三歎有遺音者矣大饗之禮尚玄酒而俎腥魚大羹不和有遺味者矣鄭玄曰朱絃練朱絃也練則聲濁越瑟底孔盡疏之使聲遲唱發歌句者三歎三人從而歎之大羹肉湑不調以鹽菜也遺猶餘也然大羹之有餘味以為古矣而又闕之甚之之辭也若夫

豐約之裁俯仰之形

廣雅曰約儉也

因宜適變曲有微情

毛萇詩傳

曰適之也楚辭曰結微情以陳辭說文曰微妙也

或言拙而喻巧或理朴而辭

輕或襲故而彌新或汙濁而更清

孔安國尚書傳曰襲因也禮記曰明王以

相汙鄭玄曰汙猶因迷也

或覽之而必察或研之而後精譬猶舞者

赴節以投袂歌者應絃而遣聲

王桀七釋曰邪晚鼓下亢音赴節左氏傳曰投

袂而起杜預是蓋輪扁所不得言故亦非華說之所能
曰投振也

精莊子曰桓公讀書於堂上輪扁斲輪於堂下釋椎鑿
而上問桓公敢問公之所讀者何言也公曰聖人之

言曰聖人在乎公曰死矣輪扁曰然則君之所讀者聖
人之糟粕耳公曰寡人讀書輪人安得議乎有說則可

無說則死輪扁曰臣也以臣之事觀之斲輪徐則甘而
不固矣疾則苦而不入矣不徐不疾得於手而應於心

口不能言也有數存焉于其間臣不能以喻臣之子臣
之子亦不能受之於臣是以行年七十而老斲輪郭子

玄云言物各有性效學之無益也李預曰齊桓公也扁
言音篇人扶頤切斲丁角切謂斲輪之人扁其名也柏

音普莫切李預曰酒滓曰糟司馬彪曰爛食曰粕甘緩
也苦急也李曰數術也王充論衡曰虛談竟于華葉之

言無恨之深安危之際文
人不嗔徒能華說之效也
普辭條與文律良余膺之所

服

尚書帝曰律和聲孔安國曰律六律也禮記子曰回得一善則拳拳服膺不失之矣

練世情之

常尤識前修之所淑

纏子董無心曰罕得事君子不識世情尤非也楚辭曰謇吾法夫前

修非時俗之所服淑善也

雖濬發於巧心或受吹於拙目

言文之難不能無累

雖復巧心濬發或於拙目受出吹笑也吹與出同

彼瓊敷與玉藻若中原之有

菽

瓊敷玉藻以喻文也毛詩曰中原有菽庶人采之毛萇曰中原中也菽藿也力采者得之

同橐

籥之罔窮與天地乎並育

老子曰天地之間其猶橐籥乎虛而不屈動而愈出河上

公曰橐籥中空虛故能育聲氣也王弼曰橐排橐籥樂器按索治鐄者用以吹火使炎熾說文曰索囊也音託

籥音

雖紛靄於此世嗟不盈於予掬

毛詩曰終朝采綠不盈一掬毛萇曰

蘇王莠兩
子曰掬

患挈鉞之屢空病昌言之難屬

挈瓶喻小智之人以注在

上何休曰挈猶提也左氏傳曰雖有挈瓶之智守不假器論語曰回也屢空尚書帝曰禹亦昌言孔安國曰昌

當也王逸楚辭注曰屬續也

故蹠蹠於短韻放庸音以足曲

廣雅曰蹠蹠無

常也今人以不定為蹠蹠不定亦無常也莊子曰夔謂

蛇曰吾以一足蹠蹠而行爾無如矣謂脚長短也蹠救

甚切蹠救角切國語曰有短垣君不踰爾雅曰庸常也

恒遺恨以終篇豈懷盈而

自足

言才恒不足也答賓戲曰孔終篇於西狩

懼蒙塵於叩缶顧取笑乎鳴

玉

玉瓦器而不鳴更蒙之以塵故取笑乎玉之鳴聲也文子曰蒙塵而欲無昧不可得也李斯上書曰擊甕

叩

若夫應感之會通塞之紀

紀綱紀也周易曰不出戶庭知通塞也來不

可過去不可止

莊子曰其來不可却其去不可止毛藏詩傳曰過止也孔安國曰過絕也

若景滅行猶響起

枚乘上書曰景滅迹絕王命論曰趣時如響起方天機之駿

利夫何紛而不理

莊子蛭曰今予動吾天機司馬彪曰天機自然也又太宗師曰其嗜欲深

者其天機淺也劉障曰言天機者言萬物轉動各有天性任之自然不知所由然也思風發於胸

臆言泉流於脣齒

論衡曰吾言滴涵而泉出紛歲蕤以馭還唯毫素

之所擬

歲蕤盛貌馭還多貌封禪書曰紛綸菱蕤毫筆也纂文曰書錄曰素揚雄書曰齋細素四尺

文徽徽以溢目音泠泠而盈耳

延篤仁孝論曰煥乎爛兮其溢目也論語曰洋洋

洋乎盈耳哉

及其六情底滯志往神留

春秋漢孔圖曰詩含五際六情絕於中宋

均曰申申公也仲長子昌言曰喜怒哀樂好惡謂之六情國語曰夫人氣縱則底底則滯韋昭曰底著也滯廢

也兀若枯木豁若涸流

莊子曰形固可使如枯木心固可使如死灰郭象注莊子曰遺

身而自得雖揆然而不持坐忘行忘而為之故形若槁木止若聚死灰是以云其神凝也向秀曰死灰枯木

取其寂漠無情耳爾雅曰涸竭攪營魂以探頤頤精爽也國語泉涸而成采涸水盡也

於自求

自求於文也楚辭曰營魂而升遐周易曰探頤索隱鉤深致遠左氏傳崇祁曰心之精爽是謂

魂魄孟子曰使自求之

理翳翳而愈伏思乙乙其若抽

方言曰翳奄也乙抽

也乙難出之貌說文曰陰氣尚強其出乙乙然乙音軋新論曰桓譚嘗欲從子雲學賦子雲曰能讀千賦則善

為之矣譚慕子雲之文嘗精思於小賦立感發病彌日瘳子雲說成帝詞甘泉詔雄作賦思精苦困倦小卧夢

五藏出外以手收而內之及覺病喘
悸少氣士衡與弟書曰思苦生疾
是以或竭情而多

悔或率意而寡尤

左氏傳趙武曰范會言於晉國竭情無私淮南子曰人輕小害至於多悔

論語子曰言寡尤行
雖茲物之在我非余力之所勦事物

也勦并也言文之不來非予力之所并
國語曰勦力一心賈逵曰勦力併力也
故時撫空懷而

自愧吾未識夫開塞之所由
開謂天機駿利塞謂六情底滯
伊茲文之

為用固衆理之所因恢萬里而無閼通億載而為津言

能廓萬里而無閼假令億載而今為津法言曰著古昔
之昏昏傳千里之志志者莫如書李軌曰昏昏目所不

見志志心所不通
小雅曰閼限也
俯貽則於來葉仰觀象乎古人也葉世幽

通賦曰終保己而貽則尚書曰子濟文武於將墜宣風
恐來世又曰子欲觀古人之象

聲於不泯

論語子貢曰文武之道未墜於地尚書畢命
曰彰善癉惡樹之風聲毛詩曰靡國不泯毛

長曰泯滅也爾雅曰泯盡也

塗無遠而不彌理無微而弗綸

法言曰彌綸天

地之事紀久明遠者莫如書周易曰易與天地
準故能彌綸天地之道王肅曰彌綸纏裹也

配霑潤

於雲雨象變化乎鬼神

論衡曰山天大者雲多太山不崇
朝而雨天下然則賢聖有雲雨

之智彼其吐文萬牒以工賈子
曰神者變化而無所不為也

被金石而德廣流管絃

而日新

金鐘鼎也石碑碣也言文之善者可被之金石
施之樂章禮記曰金石絲竹樂之器也漢書曰

聖王以沒鐘鼓管絃之聲未衰吳越春秋樂師謂越王
曰君王德可刻之於金石聲可託之於管絃毛詩曰漢

廣德廣所及也周易
曰日新之謂盛德

音樂

樂記曰凡音之起由人心生也人心之動物使
之然也感於物而動故形於聲聲相應故生變

變成方謂之音比音而樂之及干戚羽旄謂
之樂注曰方猶文章也又曰聲成文謂之音

洞簫賦

漢書音義如淳曰洞者通也簫之無底者
故曰洞簫釋名簫肅也言其聲肅肅然清

也大者二十三管長三尺
四寸小者十六管一名簫

王子淵

漢書曰王褒字子淵蜀人也宣帝時為
諫議大夫帝太子體不安苦忽忽不樂

詔使褒等皆之太子宮娛侍太子朝夕誦書
奇文及自所造作疾平復乃歸太子嘉褒所
為甘泉及洞簫頌令後宮貴人左右皆誦讀
之益州有金馬碧雞之寶使褒祀焉於道病卒

原夫簫幹之所生今于江南之丘墟

廣雅曰原本也江圖曰慈母山此山

竹作簫笛有妙聲丹陽記曰江寧縣慈母山臨江生簫管竹王褒賦云于江南之丘墟即此處也其竹圓異衆

處自伶倫採竹嶰谷後見此奇故歷代常給樂府而呼鼓吹山幹小竹也王逸楚辭注曰幹體也洞條

暢而罕節今標敷紛以扶疎

條暢條直通暢也罕稀也言竹節稀疎而相去標竹

之扶疎宋玉笛賦曰奇篠異幹罕節簡支數紛茂盛扶疎四布

徒觀其旁山側今則崛

嶽巋崎倚嶽迤嶻誠可悲乎其不安也

崛嶽巋崎皆山險峻之貌迤嶻

邪平之貌言竹生其旁故歌側不安嶻音靡

彌望儻莽聯延曠盪又足樂乎

其敬聞也

儻莽曠盪寬廣之貌儻佗朗切敬大貌言竹生敬聞之處又足樂也

託身軀於

后土兮歷萬載而不遷

左氏傳晉大夫謂秦伯曰君履后土而戴皇天后土地也言竹

託生於地經歷萬載不易其真率也

吸至精之滋熙兮稟蒼色之潤堅

周易

曰精氣為物滋熙潤悅貌孔安國尚書傳曰稟受也周易曰震為蒼莖竹

感陰陽之變化兮

附性命乎皇天

孫卿子曰陰陽大化周易曰四時變化

翔風蕭蕭而逕其

末兮迴江流川而溉其山

風賦曰翔翔乎激水之上荆軻歌曰風蕭蕭兮易水寒言

風蕭蕭徑過其末迴江謂江迴曲也說文曰溉猶灌也言江之流注灌溉其山也

揚素波而揮連

珠兮聲磳磳而澍淵

呂披曰波水涌也漢武帝秋風辭曰橫中流兮揚素波杜預左氏傳

注曰揮灑也澍音贊字林曰磳大聲也說文曰注灌也澍與注古字通

朝露清泠而隕其

側兮玉液浸潤而承其根

說文曰液津也夷石切

孤雌寡鶴娛優

乎其下兮春禽羣嬉翺翔乎其顛

說文曰嬉樂也

秋蜩不食抱

樸而長吟兮玄猿悲嘯搜索乎其間

爾雅曰蜩良蜩方言曰楚謂蜩為蜩

家語子夏曰蟬飲露而不食蜩徒凋切抱音附蒼頡篇

曰朴木皮也上林賦曰玄猿素雌搜索往來貌搜所求

切索所白切

處幽隱而與屏兮密漠泊以獫狢

廣雅曰與藏也說文曰屏

蔽也屏與屏同嶠岫竹密貌獫狢相連延貌字書獫狢獸逃走也漢與嶠同浦百切泊與岫同亡百切獫狢陳

切狢救員切

惟詳察其素體兮宜清靜而弗諠

方言曰素本也言審視竹

之本體清而不諠譁也

幸得謚為洞簫兮蒙聖主之渥恩

謚號也實二切

言得謚為簫而恒施用可謂惠而不費兮因天性之自

然

論語子曰因人所利而利之斯不亦惠而不費乎家語孔子曰器用陶匏以象天地之性也萬物無可以

稱之者故其

於是般匠施巧變妃准法

墨子曰公輸為雲梯鄭玄曰般

伎巧者莊子曰匠石之齊見櫟社樹匠伯不顧司馬彪曰匠石字伯尚書帝曰夔命汝典樂教胄子妃未詳也

一云襄列子曰孔子就師襄學琴

帶以象牙梃其會合

帶猶飾也方言曰梃同也言以

象牙飾其會合之際言切密也梃胡本切

鏤鏤離灑絳屑錯雜

爾雅曰鏤鏤也離灑鏤鏤

之貌絳屑謂簫孔以朱飾之灑所宜切

鄰菌繚糾羅鱗捷獵

言蕭之形也鄰菌繚糾相

著貌如羅鱗布列也捷獵參差也

膠綴理比挹拊擻擻

膠綴理比言細密也挹拊擻擻

言中制也北扶至切扼於泣切於是乃使夫性味之宕

冥生不覩天地之體執闇於白黑之貌形

性味宕冥謂天性闇昧過

於幽冥也說文曰宕過也生初生也淮南子曰夫盲者不能別晝夜分白黑矣

憤伊鬱而酷忍

愍眸子之喪精

鄭玄禮記注曰憤怒氣充實也伊鬱不通酷猶甚也蒼頡篇曰醜憂貌奴谷切

廣雅曰眼珠子謂之眸趙岐孟子注曰眸子目瞳子也

寡所舒其思慮兮專發憤

乎音聲

言冥生之人而絕所見思慮無所故得專意發憤在於音聲論語子曰發憤忘食

故吻

吮值夫宮商兮紛離其匹溢

言口吻所吮皆遇宮商紛離匹溢聲四散也字

林曰吻口邊也說文曰吮嗽也似充切

形旖旎以順吹兮瞋呶呶以紆鬱

言蕭聲既發形旂旋以隨之漢書音義張揖曰旂旋猶

阿耶也司馬相如賦曰又倚徙以招搖說文曰顧願也

釋名曰啍啍下垂也言氣之盛而啍啍類噴也楚辭曰

鬱結紆軫王逸曰紆曲也啍與頤劉並音含啍音明

氣旁迂以飛射兮馳散渙以逡律

旁迂言氣競旁出逡相逆迂也飛射氣出

迅疾也散渙分布也逡律出逡貌逡知律切

趣從容其勿述兮驚合還以詭

譎

勿述無所逆誤之貌合還盛多貌封譎譎詭譎譎猶奇怪也

或渾沌而潺湲

兮獵若枝折

聲或渾沌不分潺湲或復其聲枝折似枝之折也雜字曰潺湲水流貌獵聲也詩曰

伐其條枝毛萇詩傳曰枝幹也廣雅曰獵折也

或漫衍而駱驛兮沛馬競溢

漫衍

流溢貌駱驛相連延貌沛多貌

惄慄密率掩以絕滅

惄慄寒貌恐懼也風賦曰惄慄林慄

密率安靜也

噓霰眊蹀跳然復出

噓霰眊蹀跳衆聲疾貌說文曰跳躍也噓胡

掩止息貌

急急霰或為騾同若乃徐聽其曲度兮廉察其賦歌

廉亦察也

啾啾噤而將吟兮行鋹鋹以餘囉

啾衆聲也啾噤聲出貌行猶且也胡庚切

鋹鋹聲不進貌餘囉聲迭蕩相雜貌

風鴻洞而不絕兮

優嫖嫖以婆娑

鴻洞相連貌嫖嫖柔弱也娑分貌廣雅曰娑奇也

翩緜連以

牢落兮漂乍棄而為他

說文曰漂浮也芳妙切他謂奇聲也言聲漂結而去棄其舊調

而更謂奇聲

要復遮其蹊徑兮與謳謠乎相餘

謳謠已發蕭聲於其蹊徑

要發而遮之與之相和也餘古和字

故聽其巨音則周流汜濫并包吐含

若慈父之畜子也

韓詩曰夫為人父者必懷慈仁其妙之愛以畜養其子也舍下閭切

聲則清靜厭應順叙卑述若孝子之事父也

妙聲聲之微妙也厭

安靜貌曹大家列女傳注曰應深邃也音弱字林曰述滑也述佗反切

科條譬類誠應義

理澎湍慷慨一何壯士

言聲之慷慨如壯士澎湍波浪相激之聲說文曰慷慨壯士不

得志于優柔溫潤又似君子

大戴禮曰優之柔之禮記曰溫潤而澤故其

武聲則若雷霆較輶佚豫以沸渭

輶輶大聲也埤蒼曰沸渭不安貌較力萌

切輶呼萌切沸或為潰扶味切渭音謂

其仁聲則若飗風紛披容與而施

惠

呂氏春秋曰南方曰飗風飗風貌長物故曰施惠容與寬裕之貌

或雜還以聚斂兮或

拔櫟以奮棄

維還衆多貌拔櫟分散也何休公羊傳注曰側手擊曰櫟拔蒲割切櫟蘇割切悲

愴怛以惻憾兮時恬淡以綏肆

楚辭曰愴怛愴恨兮惻憾傷痛也廣雅曰恬靜

也說文曰淡安也綏遲也王肅尚書注曰肆綏也

被淋灑其靡靡兮時橫潰以

陽遂

孔安國尚書傳曰被及也淋灑不絕貌靡靡聲之細好也橫潰旁決貌陽遂清通貌言其聲或盛壯

而細密時復橫潰而清通也橫音吁孟切鄭玄周禮注曰陽清也又禮記注曰遂達也

哀悵悵之可

懷兮良醴醴而有味

毛詩曰中心悵悵說文曰憂煩悵悵憂貌字林曰悵含怒也於玄切

又曰醴甜同長味也大含切

故貪饗者聽之而廉隅兮狼戾者聞之

而不懟

尚書曰貪饗日欽孔安國曰貪饗急饗禮記曰儒者有砥礪廉隅戰國策曰張儀云趙王狼戾

無親爾雅剛毅彊馘反仁恩兮嘽嘽逸豫戒其失

字書曰馘

古文暴字也嘽嘽逸豫舒緩自放縱鍾期牙曠悵然而愕立

兮杞梁之妻不能為其氣

呂氏春秋曰伯牙鼓琴志在太山鍾子期曰善哉巍巍乎

若太山須臾志在流水子期曰善哉洋洋若流水子期死伯牙破琴絕絃終身不復鼓琴以為世無人為鼓琴者按列女傳齊杞植妻也齊莊公襲莒殖戰死杞梁之妻無子內外無五屬之親既非所歸乃就其夫之屍於其城下而哭之內誠動人道路過者莫不為之揮涕十日而城為之崩杞梁字殖名也鄭玄注禮記曰魯襄公二十九年齊侯襲莒是也列子曰伯牙善鼓琴鍾子期善聽左氏傳曰師曠侍於晉侯杜預曰師曠晉樂太師字書曰愕驚也操琴曰杞梁妻歎者齊邑莒梁殖之妻所作也殖死妻歎曰上則無父中則無夫下則無子將

何以立吾亦死而已按琴而鼓之師襄嚴春不敢竄其曲終遂自投水而死芑與杞同也

巧兮浸淫叔子遠其類

家語孔子學鼓琴於師襄七略有莊春言琴宋玉笛賦曰於是

天旋少陰白日西靡命嚴春使叔子浸淫猶漸冉相親附之意也毛萇詩傳曰昔顏叔子獨處于室隣之幾婦人獨處室夜暴風雨至屋壞婦人趨而至叔子納之而使執燭放于平旦蒸盡縮屋而繼之自為避嫌不審矣趙岐孟子章句曰 畧至也方往切

畧頌朱均惕復慧兮樂跖鬻博僂以

頌頌

左氏傳富辰曰心不則德義之經為頌口不道忠信之言為畧史記曰堯子丹朱不肖舜子商鈞亦

不肖復慧復點慧也樂夏樂也跖盜跖也莊子曰施及三王天下大駭矣下有樂跖上有曾史鬻夏育也古字同博申博也未詳其始陸機夏育贊曰夏育之猛千載所希申博角勇臨頌奮推僂羸疾貌頌即愁頌也 吹

參差而入道德兮故永御而可貴

楚辭曰吹參差兮誰思王逸曰參差洞簫

時奏狡弄則彷徨翱翔

埤蒼曰彷徨猶彷彿也

或留而不行或行

而不留

言逝止無常狡急也弄小曲也

惓惓瀾漫亡耦失疇

埤蒼曰惓惓寂靜也

啾啾與惓惓音義同惓惓老切惓惓草切瀾漫分散也上林賦曰瀾漫遠遷

薄索合沓罔象

相求

薄迫也索求也合沓重沓也罔象虛無罔象然也莊子曰黃帝遊赤水之北遺其玄珠罔象求之而

得

故知音者樂而悲之不知音者怪而偉之故聞其悲

聲則莫不愴然累歎擊涕拔淚

說文曰擊拭也匹結切廣雅曰歎悲也拔亦拭

亡粉切

其奏歡娛則莫不憚漫衍凱阿那腰腰者已

憚漫衍凱

歡樂貌阿那腰舒遲貌押蒼曰
是以蟋蟀蚍蜉蚊行

喘息

言所感深爾雅曰蟋蟀也郭璞曰促織也爾雅曰蝓蛭也郭璞曰今蛭也周書曰跂行喘息

說文曰蚊徐行凡生類之形皆
曰蚊蚊音奇說文曰喘疾息也
蜚蠊蠅蠅蠅蠅蠅蠅蠅蠅蠅
言

曰
蚊

岐音奇說文曰喘疾息也

虫雙
虫義
虫園
虫以
虫通
虫通
立羽
立羽
言

曰南楚謂螻蛄為括螻力侯切爾雅曰虬蟬大螳與
 蟻同爾雅曰蜥蜴螭於典切蛟徒典切蠅螳翊翊

遊行遷延徙迤魚瞰雞睨
貌皆蟲之形也遷延徙迤知退貌魚目不睨雞好邪視故取

喻焉瞰視也
睨邪視也
垂喙蛩轉瞪瞢忘食
韓詩外傳曰蛩無不延
聲保介之蟲無不延

晚邪視也

垂喙蜚轉瞋曾忘食

聲卓詩倮力介作之日蟲菊無寶不有延

頸以聽說文曰喙口也許穢切或為味鳥口也鄧邁切
蛩轉動貌埤蒼曰瞪直視也直耕切晉視不審諦也莫

蛩轉動貌

埤蒼曰瞪直視也直耕切骨視不審諦也莫

切耕
况感陰陽之龢而化風俗之倫哉
家語曰人也者天地之德陰陽之交

况感陰陽之翮而化風俗之倫哉

地之德陰陽之交

亂曰狀若捷武超騰踰曳迅漂巧兮

狀聲之狀也捷武言捷巧曳亦踰也

或為趾鄭德曰趾度也

又似流波泡洩汎澆超熾道兮

洩洩盛多貌汎洩微小貌又云波急之聲方言曰泡熾也薄交切洩所求切汎房法切埤蒼曰洩裁有水也所

獵切熾道熾之道

哮呬啞喚躋躋連絕渥殄沌兮

言其聲之大哮呬啞喚或

躋或躋時連時絕渥然相亂殄沌不分也埤蒼曰哮赫

大怒也呼交切杜預左氏傳注曰躋升也將難切漢書

音義韋昭曰躋頓也竹利

攪搜濇捎逍遙踊躍若壞頽

切渥胡忽切沌徒損切

今攪搜濇捎水聲也壞頽言如物崩塌頽毀也攪

胡卯切搜所卯切學胡召切捎所學切

優游

流離躊躇稽詣亦足耽兮

韓詩曰搔首躊躇稽詣言聲稽留如有所詣也蒼頡篇曰

也諸至顏唐遂往長辭遠逝漂不還兮顏唐蘭墜貌本賴或無此十二字

蒙聖化從容中道樂不淫兮中於道德雖樂不荒左氏傳曰吳公子札來聘為之

歌頌曰達而不淫樂而不荒條暢洞達中節操兮言聲有條貫通暢洞達而中於節操

終詩卒曲尚餘音兮言蕭中次詩而曲將盡尚有餘音也吟氣遺響聯絲

漂撇生微風兮漂擊餘響少騰相擊之貌漂匹道切擊匹滅切連延駘驛變無

窮兮

舞賦

并序按周禮舞師樂師掌教舞有兵舞有千舞有羽舞有旄舞呂氏春秋曰堯時陰氣

深伏陽氣閉塞徒人舞蹈以達氣舞者音聲之容也

傅武仲

范曄後漢書曰傅毅字武仲扶風茂陵人也少博學達初中肅宗特召文學之

士以毅為蘭臺令史少逸氣亦與班固為賓憲府司馬早卒

楚襄王既遊雲夢使宋玉賦高唐之事

高唐賦序曰楚襄王與宋玉遊

於雲夢之臺望高唐之觀王曰試為寡人賦之

將置酒宴飲

此並假設為辭也

謂宋玉

曰寡人欲觴羣臣何以娛之

左氏傳曰樂盈觴曲沃人杜預曰飲酒於曲沃

曰臣聞歌以詠言舞以盡意

尚書曰歌永言孔安國曰歌詠其義以長其言毛萇

詩序曰言之不足故嗟嘆之嗟嘆之不足故詠歌之詠歌之不足不知手之舞之足之蹈之說范曰聲樂易良

而合於歌情盡舞意是以論其詩不如聽其聲

謂言之不足故詠歌之

聽其

聲不如察其形

謂詠歌之不足故手舞足蹈也言不如視其舞形鄭玄注樂記曰宮商角徵羽

雜比曰聲

激楚結風陽阿之舞

張晏曰激楚歌曲也列女傳曰聽激楚之遺風

單出曰音

結風亦曲名上林賦曰鄢郢纘紛激楚結風文穎曰激

衝激急風也結風迴風亦急風也楚地風既自漂疾然

歌樂者猶復依激結之急風為節楚辭曰宮庭震驚發

激楚兮淮南子曰夫足蹠陽阿之舞鄭人聽之曰不若

延露以和非歌者拙也聽者異

材人之窮觀天下之至

也高誘曰陽阿古之名倡也

妙噫可以進乎

孔安國尚書傳曰噫恨辭也鄭玄注禮記曰噫涕寤之聲

王曰其如

鄭何

樂記曰鄭衛之音亡國之音也恐其同於鄭舞當如之何楚辭曰二八齊容起鄭舞王逸曰鄭國舞

也玉曰小大殊用鄭雅異宜

韓詩曰舞則纂兮薛君弛言其舞應雅樂也

張之度聖哲所施

禮記孔子曰一弛文武之道

是以樂記干戚之容

雅美蹲蹲之舞

禮記曰干戚羽旄謂之樂鄭玄曰干楯也戚斧也武舞所執也毛詩小雅曰坎

坎鼓我蹲蹲舞我一

禮設三爵之制頌有醉歸之歌

禮記

本或云旌旄之舞
曰君子飲酒也禮三爵而油油以退鄭玄曰油油悅敬貌毛詩魯頌曰振振鷺鷺于飛鼓咽咽醉言歸于胥樂

今夫咸池六英所以陳清廟協神人也

樂動聲儀曰黃帝樂曰咸池顯

頌樂曰五英帝營樂曰六英宋均曰能為天地四時六合之英華也毛詩曰清廟祀文王也尚書曰八音克諧

神人以和鄭衛之樂所以娛密坐接歡欣也

禮記曰鄭衛之音亂世之音

餘日怡蕩非以風民也其何害哉

錄曰聽覽之餘日也怡蕩怡悅放蕩也爾

雅曰怡樂也毛詩序曰風教也

王曰試為寡人賦之玉曰唯唯夫何皎

皎之閒夜兮明月爛以施光

古詩曰明月何皎皎今既明

朱

火暍其延起兮耀華屋而燔洞房

古詩曰朱火然其中青煙殿其間廣雅曰

燔熾也虛疑切楚辭曰嫫容修態絕洞房

黼帳祛而結組兮鋪首炳以焜煌

司馬相如美人賦曰黼帳周垂祛猶舉也長門賦曰張羅綺之慢帳兮垂楚組之連網漢書曰鋪首鳴說文曰

鋪著門

陳茵席而設坐兮溢金罍而列玉觴

毛詩曰文茵暢轍鄭

玄注曰茵蓐也詩曰我姑酌彼金罍鄭玄曰君騰觚爵黃金罍玉觴玉爵也周禮曰朝覲有玉几玉爵

之斟酌兮漫既醉其康樂

儀禮曰騰觚于賓又曰小臣請媵爵鄭玄曰今文媵皆作

騰禮記禮器篇注曰凡觴一升曰爵二升曰觚毛詩曰既醉以酒楚辭曰吾欣欣兮樂康毛萇詩傳曰康樂也

嚴顏和而怡懌兮幽情形而外揚爾雅曰懌樂也文人不能懷

其藻兮武毅不能隱其剛言皆欲騁其能效其技簡情

跳踣般紛拏兮淵塞沉蕩改恒常兮言失度也簡情疎簡怠情也堦蒼曰

踣跳也先聊切紛拏相著牽引也毛詩曰其心塞淵毛萇曰塞實也淵深也於是鄭女出進

二八徐侍楚辭曰二八齊容起鄭舞淮南子曰鼓舞或作鄭舞高誘注曰鄭襄也楚王之幸姬善歌

舞名曰鄭舞楚辭曰二八迭奏女樂羅列姣服極麗姁姁致態熊謂姿態也

姣音絞姣音俞貌姣妙以妖蠱兮紅顏暎其揚華毛萇詩傳曰姣好貌理紹

切妖盛淑艷也
揚華揚其光華
眉連娟以增繞
今日流睇而橫波

連娟細貌

繞謂曲也言眉細而益曲也
上林賦曰長眉連娟橫波
言目邪視如水之橫流也
神女賦曰望余情而延視兮

若流波
珠翠的皪而炤耀
今華袿飛髻而雜纖羅

珠翠珠及

翡翠也說文曰的皪珠光也
劉熙釋名曰婦人上服謂
之袿上林賦曰飛纖垂髻司馬彪曰髻燕尾也衣上假
飾子虛賦曰雜纖羅
顧形影自整裝順微風揮若芳

服

也揮動也若杜也美人佩以為
動朱脣紆清陽

動朱脣將歌也

神女賦曰朱脣的其若丹
毛詩曰有美一人清陽婉兮
毛詩曰清陽眉目之間

亢音高歌為樂

之方

杜預左氏傳注曰方法也

歌曰攄予意以弘觀
今繹精靈之所

東

德散也弘大也言靈精有所容

今將舒繹之也方言曰繹理也

弛緊急之絃張兮

慢未事之骺曲

言將觀舞故緊急之絃先已張者今廢弛之未事之骺曲者今輕慢之周禮曰

骺懸也鄭玄曰弛釋下也說文曰緊纏絲急也蒼頡篇曰骺曲也於詭切言鄭衛之未事而委曲順君之好無

益故廢而慢之

舒恢矣之廣度兮濶細體之苛縟

恢矣廣大之貌苛縟煩數

之貌言度之恢矣者更今舒貌體之煩數者使之疎濶楚辭曰收恢台之孟夏兮矣與台古字通賈逵國語注

曰苛煩也賀多切鄭玄喪服注曰縟數也言舒嘉闊雖廣大之度則細體之事不利於德者疎而濶之

之不淫兮哀蟋蟀之局促

毛詩序曰閨雝樂得淑女以配君子憂在進賢不淫其色

毛詩曰蟋蟀刺晉懷公也儉不中禮蟋蟀在堂歲丰云

昇今我不樂曰月其除古詩曰蟋蟀傷局促小見之貌

啓泰貞之否隔兮超遺物而度俗

太貞太極之氣也否隔不通也言所否閉

隔絕使通之呂氏春秋曰陶唐氏之時陰多滯伏陽道壅塞乃作舞宣導之莊子孔子謂老聃曰先生似遺物

離人揚激徵騁清角

激徵清角皆雅曲名琴操曰伯牙鼓琴作激徵之音韓子師曠曰清徵之

聲不如清角贊舞操奏均曲

舞操而奏操也琴道曰琴有伯夷之操樂汁圖徵曰聖人立五

均均者亦律調五聲之均也宋均曰長八尺施絃

形態和神意協從容得志不

劫雍容閒雅得其大體不相迫劫也

於是躡節鼓陳舒

意自廣

言舞人躡鼓以爲節此鼓既陳故志意舒廣

遊心無垠遠思長想

莊子

曰乘物以遊心晉灼曰垠崖也

其始興也若俯若仰若來若往雍容惆

悵不可為象

象形象也謂停節之間形態煩之如惆悵失志也變態不極不可盡述其形象也

其少進也若翮若行若竦若傾兀動赴度指顧應聲

然元

而動赴其節度手指目顧皆應聲曲

羅衣從風長袖交橫

王孫子曰衛靈公侍御數百隨

珠照曰羅衣從風韓子曰長袖善舞

駱驛飛散颺揭合并

駱驛不絕貌颺揭屈折貌與曲

度相合并也

鵠鷖燕居拉搯鵠鷖

鵠鷖輕貌拉搯飛貌鵠音篇拉音獵綽約閒

靡機迅體輕

綽約美貌閒婉而柔美赴曲機疾體自輕妙上林賦曰便娟綽約莊子曰約綽

若處子裊蒼曰閒雅也機迅體輕言舞之回折如弩機之發迅

姿絕倫之妙態懷慙

素之潔清

神女賦曰懷貞亮之潔清說文曰愬貞也薛君韓詩章句曰素質也

修儀操以

顯志兮獨馳思乎杳冥

修治儀容志操以自顯心志杳冥謂遠而出冥也對問曰翔翔

手杳冥之上

在山峨峨在水湯湯與志遷化容不虛生

列子曰伯

牙鼓琴志在登高山鍾子期曰善哉湯湯然若江湖伯牙所念鍾子期

必得之言舞人與志遷化亦如此者容不虛生必有所象也湯音洋

明詩表指噴息激昂

歌中有詩舞人表而明之指而合節表明也韓詩外傳曰魯哀公噴然太息說文曰噴太息也噴與噴同漢書王章

妻謂章曰今在困厄不自激仰如浮曰激厲抗揚之意也仰戒郎切

氣若浮雲志若秋霜

言既高且潔也觀者增歎諸工莫當

工樂師也

於是合場遞進按次

而俟

通迭也俟待也待次第而幽也

言埽材角妙夸容乃理

晉灼漢書注曰埽等

言聞巧妙也夸猶軼態橫出瑰姿譎起眊般鼓則騰清
美也理謂裝飾也

眸吐哇咬則發皓齒

現美也譎異也般鼓之文載籍無
文以諸賦言之似舞人更逸蹈之

而為舞節古新成安樂宮辭曰般鼓鐘聲盡為鏗鏘張
衡七盤舞賦曰歷七盤而展躡又曰般鼓煥以駢羅王
粲七釋曰七盤陳於廣庭時人嚴其齊侯揄皓袖以振
策疎并足而軒跨邪睨鼓下伉音赴節安翹足以徐擊
馭頓身而傾折下蘭許昌宮賦曰振華足以却蹈若將
絕而復連鼓震動而不亂足相續而不并婉轉鼓側蛟
蛇丹庭與七盤其述奏觀輕捷之翺翺義並同也說文
曰哇譎聲也於佳切咬淫聲也烏交切楚辭曰美人皓
齒嫫以摘齊行列經營切儼指摘行列使之齊整經營
摘兮

切也鄭玄禮記注曰儼猶比也魚里切
儼引也言舞人舉引皆有所比儼也

彷彿神動迴翔

竦峙

子虛賦曰若神仙之仿佛說文曰仿佛見不審也

擊不致策蹈不頓趾

鼓

而足趾不頓言輕且疾也

翼爾悠往閭復輟已

言翼然而往閭而復趾間猶奄也古人呼

閭殆與奄同言曰奄遽也

方及至迴身還入迫於急節

已輟止復迴身旋入舞場

逼迫於曲之急節也

浮騰累跼跼摩跌

言舞者之容也浮騰跳躍也累跼進跼跼跼

摩跌或反足跼以象蹈或以足摩地而揚跌也鄭玄禮記注曰跼足趾也方嘉切字書曰跌足蹶也徒結切

紆形赴遠准似摧折

言要之曲折准然似摧折紆曲其形以踴其身也准折貌七罪切

織縠蛾飛紛姦若絕

織縠細縠也蛾飛如蛾之飛也紛姦飛揚貌上林賦曰垂霧縠大戴

禮曰食桑者有絲而蛾郭璞爾雅注曰蠶蛾也

超趨鳥集縱弛殢殢

殢殢舒緩貌言舞執

超逾如鳥疾速飛集也縱弛之際又且舒緩蚺蛇姆媚
弛捨也字林曰鳥趨跳也殭鳥骨切殭音沒蚺蛇姆媚

雲轉飄忽

說文曰蛟蛇邪行去也姆媚長貌蚺與逵同
於危切蛇音移姆如劍切姆音弱如雲轉之

疾也飄忽如風之疾也毛長詩傳
曰迴風為飄忽與忽同呼沒切

體如遊龍袖如素蚺

遊龍素蚺喻美麗也宋玉神女賦曰婉若遊龍黎收而
從風翱翔司馬相如大人賦曰垂絳幘之素蚺

拜曲度究畢

言舞將罷徐收斂容態而拜曲度於是究
畢蒼頡篇曰逵徐也逵與黎同力吳切

遷延微笑退復次列

舞畢退次行列也好
色賦曰遷延引身

觀者稱麗莫

不怡悅於是歡洽宴夜命遣諸客

言惟情已洽而宴迫
於夜故命遣諸客也

擾攘就駕僕夫正策

埤蒼曰攘疾行貌史記曰天下攘
攘僕夫執駕者策轡也大戴禮曰

驥駒在門
僕夫具存

車騎並狎寵從逼迫

狎謂多而相排也寵從聚貌寵力董切從音總

良駿逸足踰捍凌越

駿馬也逸疾也爾雅曰踰動也踰捍馬走疾之貌言馬駿逸奔突而

走相凌越也

龍驤橫舉揚鑣飛沫

鄒陽上書曰蛟龍驤首鑣馬勒旁鉄也馬舉首而橫

走動鑣則飛馬口之沫也

馬材不同各相傾奪

傾奪謂馳競也

或有踰埃赴

轍霆駭電滅

列子伯樂曰天下之馬絕塵弭轍言為踰越於塵埃之前以赴車轍如雷霆之聲忽

驚忽滅也蹠地遠羣閤跳獨絕

許慎淮南子注曰蹠踏也遠出於羣言疾速之甚也鄭玄

尚書五行傳曰閤跳行疾貌閤跳獨絕言行急無比也

或有宛足鬱怒般桓不發

言馬按足緩步鬱怒氣遲留不後往先至遂為逐末

言逸

材之馬雖後往而能先至遂為馳
逐者之末也逐者以發足為本
或有矜容愛儀洋洋

習習

鄭玄毛詩注曰洋洋莊敬貌又詩箋云習習和調貌

遲速承意控御緩急

言

速任意也毛詩曰又良御忌抑磬控忌毛萇曰止馬曰控忌辭也音冀家語孔子曰御者同是車馬其所為進

遲緩急

車音若雷騫相及

長門賦曰雷隱隱而響起聲象君之車音言車聲隱

異也

隱如遠雷之音相連屬也

駱漠而歸雲散城邑

駱漠駱驛汾漠奔馳之貌中夜車皆歸城

邑之中寂然而空有同雲散也

天王燕胥樂而不佚

毛詩曰邊豆有且侯氏燕胥胥皆也

皆來相與燕也孝經曰滿而不溢

娛神遺老永年之術優哉游哉聊以

永日

家語孔子歌曰優哉游哉聊以卒歲毛詩曰且以喜樂且以永日

文選卷十七

欽定四庫全書

文選卷十八

梁蕭統編

唐李善註

長笛賦

并序周禮笙師掌教吹笛說文曰笛七孔長一尺四寸今人長笛是也風俗通曰

笛潌也蕩潌邪志納之雅正

馬季長

范曄後漢書曰馬融字季長扶風茂陵人也將作大匠嚴之子為人美容貌有

俊才好吹笛為校書郎順帝時遷南郡太守免與馬皇后親坐高堂施絳帳前授生徒後列女樂鄭玄盧植皆其弟子後拜議郎卒

融既博覽典雅精核數術

仲長子昌言曰精核是非議之嘉也說文曰數考實事也

核與數古字通漢書曰術數者皆義和卜史之職韋昭曰歷數古術也

又性好音律鼓琴

吹笛而為督郵無留事

韋昭釋名曰督郵主諸縣罰負殿糾攝之也辨位曰督郵書掾

者郵過也此官不自造書主督上官所下所過之書也史記齊威王語即墨大夫曰自子之居即墨無留事

獨卧郿平陽郿中有雒客舍逆旅

漢書右扶風有郿縣平陽郿聚邑之名也

郿鳥古切毛詩曰王錢于郿毛萇曰地名說文曰郿小障也一名庫城在阜部服虔通俗文曰營居曰郿左氏

傳荀息曰令號為不道保為逆旅

吹笛為氣出精列相和

歌錄曰古相和歌十八曲

氣出一精列二魏武帝集有氣出精列二古曲

融去京師

京師謂洛陽也

踰年暫聞甚

悲而樂之追慕王子淵枚乘劉伯康傳武仲等簫琴笙

頌唯笛獨無

王子淵作洞簫賦枚乘未詳所作以序言之當為笙賦文章志曰劉玄字伯康明帝

時官至中大夫作黃賦故聊復備數作長笛賦其辭曰

惟鍾籠之竒生兮于終南之陰崖

字林曰惟有也戴凱之竹譜曰鍾籠竹名

毛詩曰終南何有毛萇曰周之山名尚書大傳曰觀乎南山之陰謂山北託九成之孤岑兮

臨萬仞之石磴

山海經曰桓山四成郭璞曰成亦重也言九者數之多也爾雅曰山小高曰岑

孔安國曰八尺曰仞包氏曰七尺曰仞爾雅曰山竄無所通路尸子曰焦原者臨萬仞之谿特箭橐

而莖立兮獨聆風於極危

箭橐二竹名也言似二竹或生而莖立或生於極危爾雅

曰東南之美者會稽之竹箭馬郭璞方言注曰箭者竹名也鄭玄周禮注曰箭幹謂之橐尚書曰惟箇籥楷鄭

玄曰箇籥聆風也秋潦漱其下趾兮冬雪揣封乎其枝

蒼頡篇曰聆聽也說文曰潦雨水也鄭玄周禮注曰漱濯也爾雅曰趾足也鄭玄毛詩箋曰團聚貌揣與團古字通徒歡切漢書

音義孟康曰揣持也巔根時之槩別兮感迴颺而將頽

也作顛根將顛墜也槩別危貌感觸也爾雅曰颺夫其

顛謂之𦵏𦵏與颺同頽落也槩五結切別五剖切夫其

面旁則重巘增石簡積頽砥

巘山狀似之因以名也又曰簡大也說文曰兀婁獠鬻頽頭頽也丘隕切字林曰𦵏齊頭也牛文切兀婁獠鬻

傾吳倚伏

兀婁獠鬻嶮峻之貌婁方于切獠助繼切鬻魚飢切

摩窈巧老港洞坑

谷

摩窮巧老深空之貌港洞相通也
摩苦交切窮郎交切港胡貢切

嶢壑澮峴嶠審巖

覆

爾雅曰小山別大山曰嶢又兩山夾澗也澮音兌嶠即
深平之貌鄭玄曰澮所以通水於川也峴音兌嶠即

坎也周易曰入於坎窞山王弼曰最處地底也說文曰
窞坎中小坎也徒威切巖深巖也說文曰巖岸也巖覆

不平也廣雅曰窞窞也
字從穴從復扶復切

運衰穿汝岡連嶺屬

運衰迴旋
相經也穿

安卑曲不平也屬連
也穿於孤切汝音按

林蕭蔓荆森樛柞樸

說文曰篠小
竹也蕭與篠

通本草經曰蔓荆實味苦森樛木長貌鄭玄
毛詩箋曰柞櫟也子落切樛包木也補木切

於是山水

猥至渟渟障潰

廣雅曰猥衆也渟蒼曰渟水止也薛君
韓詩章句曰渟漁池也音岑賈逵國語

注曰障防也字
林曰潰旁決也

頤淡滂流碓投澆穴

頤淡水徭蕩貌頤
胡感切淡徒敢切

確投似確之所投也說文曰確春也都隊切澆水注聲也字林曰流水行也澆穴澆注隙穴也土成切爭

湍革紫汨活彭澤

許慎淮南子注曰湍水疾也革紫迴旋之貌汨活疾貌字林曰澎澤水暴

至聲也革普耕切古沃切活古活切

波瀾鱗淪宸隆詭戾

爾雅曰大波為瀾郭璞曰

言鱗淪也鱗淪相次貌說文曰宸邪下

瀉瀑噴沫牛特遯

碣突

瀉瀑沸湧貌噴沫跳沫也碣徒郎切

搖演其山動杙其根者歲五六

而至焉

說文曰搖動也賈逵國語注曰演引也張揖注漢書上林賦曰杙搖也字林曰至到也

是

以間介無蹊人迹罕到

孟子曰山徑之蹊間介然用之而成路趙岐曰介然人用之

止則蹊成於路杜預注左氏傳曰介猶間也間介一也蹊徑也言山間隔絕無有蹊徑也漢書曰舟車所不至

人迹所不及爾雅曰雌猿雌晝吟鼯鼠夜叫輯上林賦注曰雌似獼猴

而大郭璞爾雅注曰鼯鼠一名夷貳狀如寒熊振頷特呼

小狐似蝙蝠肉翅亦謂之飛生聲如人呼慶昏鬚振動也方言曰頷頷也胡感切爾雅曰慶鹿狀

方妙山雞晨羣桎雉鬚雉鬚毛詩曰雉之朝雉尚求其雌說文曰雄雞之鳴為雉

野字鬚求偶鳴子悲號長嘯由衍識道唯唯謹譟由衍行貌

羽獵賦曰唯唯是鳴唯子由經涉其左右唯聒其前後切鄭玄周禮注曰譟謹也

者無晝夜而息焉左右謂林之左右國語管子曰四民

聒謹夫固危殆險熾之所迫也險熾猶衆哀集悲之所聒謹

積也故其應清風也纖末奮稍錚鏦營鳴

方言曰稍動也稍與稍同

所交切營鳴並謂其聲也錚鏦聲也錚士庚切說文曰錚金聲鏦與鏦同音宏字林曰營小聲也呼宏切埤蒼

曰噓大呼也呼交切若絙瑟促柱號鍾高調

淮南子曰張瑟者小絙絙大絙緩高氏注

曰絙急也瑟辭曰絙瑟今交鼓又曰破伯牙之號鍾於王逸曰絙急張絙也博物志曰藍脇號鍾善琴名

是放臣逐子棄妻離友彭胥伯奇哀美孝已

彭彭咸胥伍子胥也

琴操曰尹吉甫周上卿人也子伯奇伯奇母元更娶後妻生伯邦乃譖伯奇於吉甫曰見妾有美色然有欲心吉甫曰伯奇為人慈仁豈有此也妻曰試置空居中君登樓而察之後妻知伯奇仁孝乃取毒蜂緣衣領伯奇前持之於是吉甫大怒放伯奇於野宣王出遊吉甫從伯奇乃作歌感之於宣王宣王曰此放子辭吉甫乃

收伯奇射殺後妻左傳曰魯哀公夫人姜氏歸於齊將
行哭而過市曰天乎仲為不道殺適立庶市人皆哭魯
人謂之哀姜帝王世紀曰高宗有賢子孝己其母早死
高宗惑後妻之言放之而死天下哀之尸子曰孝己事
親一夜而五起視衣厚薄枕之高下也家語曰曾子遺
妻告其子曰高宗以後妻殺孝己尹吉甫以後妻放伯
奇吾上不及高宗中不欝乎下風收精注耳收精不窺
及吉甫庸知得免於非乎

雷歎頽息搗膺擗標

歎聲若雷息聲若頽也楚辭曰呼
增歎兮如雷雷與雷古今字也爾

雅曰焚輪謂之頽郭璞曰暴風從上下也埤蒼曰搗爪
也說文曰膺胸也國語曰無搗膺韋昭曰搗叩也苦洽
切魏書程昱傳曰昱於魏武前忿爭聲氣忿高邊泣血
人搗之乃止毛詩曰寤擗有標毛萇曰擗標拊心貌

泣流交橫而下

毛詩曰鼠思泣血禮記曰高子臯之執
親之喪泣血三年未嘗見齒楚辭曰橫

垂涕兮通旦忘寐不能自禦

淮南子曰病疵瘕者通旦不寐鄭玄周禮注曰禦禁

也

於是乃使魯般宋翟構雲梯抗浮柱

魯宋二國名也淮南子曰魯般

古之巧人注公輸班也為木為而飛論衡曰魯班玄木為為飛三日不下為毋作木車木人為御機闕一發遂

去不還人謂班母亡翟墨子之名也墨子曰公輸般為

雲梯重成大山四起所謂善攻具也必取宋於是墨子

見公輸般而止之張湛列子注曰雲梯可以凌虛甘泉

賦曰抗浮柱之飛棟按墨子削竹以為鵲鵲三日不行

韓子云為大為三年不飛一日而敗抱朴子曰墨子名

翟宋人或云孔子時人或云在後今案其人在七十弟

子後蹉纖根跋箴縷

言以足蹉躑纖根又跋躑細縷也蹉七何切一作蹉埤蒼曰蹉櫛也

方言曰箴小也縷言細似縷也上林賦曰布結縷顏監

注蔓生著地之處皆生細根如相結故名縷今俗呼鼓

箏草而幼童對銜之手鼓中央則聲如膺因以名彼雖草名抑亦義兼似縷也膺膺隋隋陲陲腹陲阻

言以膺服於隋陲而腹突於陲阻也淮南子曰岸隋者必陲許慎曰隋峻也七笑切陲落也直紙切字林曰陲

小山也爾雅曰山絕陲郭璞曰連山中斷也陲音刑逮乎其上前匍匐伐取挑截本

未規摹規矩聲類曰挑掘也鄭玄毛詩箋曰挑之落之

王逸楚辭注曰矩度也矩法也矩於矩切矩度矩變襄比律子野協呂尚書帝曰變

胄子家語孔子學琴於師襄鄭玄周禮注曰比父也周禮太師掌六律六呂六律陽聲黃鍾太簇姑洗蕤賓夷

則無射六呂陰聲大呂應鍾南呂林鍾仲呂夾鍾左氏傳曰師曠侍於晉侯杜預曰曠晉樂太師子野也孟子

曰師曠之聰不以六律不能正五音十二畢具黃鍾為主呂氏春秋曰黃

伶倫制十二簫聽鳳鳥之鳴以別十二律以比黃鍾之
宮故黃鍾宮律之本也高誘曰六律六呂各有管也故
曰十二簫漢書律歷志曰十二陽六為律陰六為呂律
者黃帝之所作也黃帝使伶倫自大夏之西昆侖之陽
取竹嶠谷主其厚薄均者斷兩節間吹之以為黃鍾之
律本氣至則應六律六呂者述十二月之音氣也黃鍾
律呂之長
故曰為主
橋揉斤械剗揆度擬
律呂之長
故曰為主
橋揉斤械剗揆度擬
也如面切說文曰斤斫木又曰械治也字林曰剗裁也
大凡切人曰剗銳也周易曰拔木為矢拔與剗音義同
度擬量度
比擬也
總碕墜程表朱裏
總也蘇董切廣雅曰碕磨也音動說文曰墜墜也徒雷
切爾雅曰墜落也說文曰程示也張晏漢書注曰表猶
也
外
定名曰笛以觀賢士
以其滌穢
故可觀士
陳於東階八音俱起

儀禮大射禮曰樂人宿縣于階東周禮曰播之八音孔安國注曰八音金石絲竹匏土革木食舉雍

徹勸侑君子

食舉謂進食於天子而記樂食竟奏詩之樂以徹食徹去也蔡雍禮樂志曰天子中

樂殿中食舉樂也周禮曰及徹而歌徹鄭玄曰歌然後之者歌雍也周禮曰王以樂侑食鄭玄曰侑助也

退理乎黃門之高廊

漢書音義如淳曰今樂家五日一習為理樂桓譚新論曰漢之三主

內置黃門工倡

重丘宋灌名師郭張

洪書曰平原郡重丘縣名師有名師也宋灌郭張皆

其姓也

工人巧士肄業修聲

工樂人也巧伎巧也貴達國語注曰肄習也

於是

遊閒公子暇豫王孫

史記曰宛孔氏有遊閒公子之名國語優施曰我教暇豫之事君韋

昭曰閒暇也服虔曰諸公閒遊戲若衣服解閒士覓切韋昭曰優游閒暇也按史記貨殖傳有遊閒公子飾冠

劍連車騎此則韋說勝間音閑豫樂也

心樂五聲之和耳比八音之調

左氏

傳曰五聲六律杜預曰五聲宮商角徵羽

乃相與集乎其庭詳觀夫曲屑之

繁會叢雜何其富也

屑亦曲也字或為引蔡邕琴操有思歸引衛女之所作富謂聲之富

也紛葩爛漫誠可喜也

紛葩盛多貌

波散廣衍實可異也

毛萇

詩傳曰衍益也

穿距劫選又足怪也

言聲之相逆選也說文曰穿柱也鄭玄禮記註曰劫

屑也郭璞穆天子傳

啾咋嘈啐似華羽兮絞灼激以轉

注曰還觸也五故切

切蒼頡篇曰啾衆聲也鄭玄周禮注曰咋咋然聲大也

助白切坪蒼曰嘈啐聲貌嘈音曹啐才喝切鵲冠子曰南方萬物華羽焉故調以羽絞灼激聲相繞激也切猶磨切也

震鬱怫以憑怒兮眩

碣駭以奮肆

楚辭曰拂鬱兮弗陳王逸曰蘊積也拂扶弗切左氏傳蹶由曰今君震電憑怒杜預

曰憑大也埤蒼曰眩聲貌碣突也杜預左氏傳注曰肆放也

氣噴勃以布覆兮乍時

蹶以狼戾

盛蒼頡篇曰噴叱也普寸切或作憤妨粉切勃盛貌布覆周布四覆也時蹶言其聲時立如

有所蹶蹶也狼戾乖背也戰國策曰儀曰趙王狼戾無親雷叩鍛之岌岌兮正瀏漂

以風冽

言音如雷之叩鍛岌岌為聲也蒼頡篇曰鍛椎也都亂切岌苦協切岌岌合切漢書音義孟康

曰瀏清也毛萇詩傳曰漂寒也說文曰瀏清也瀏漂清涼貌冽寒貌薄湊會而凌節兮馳

趣期而赴躡

凌乘也節曲節也趣向也期會也躡謂顛仆也

爾乃聽聲類形狀

似流水又象飛鴻

列子曰伯牙鼓琴志在流水鍾子期曰洋洋乎若江河琴道曰伯夷操以

鴻雁之音記濫溥漠浩浩洋洋記濫任波搖蕩之貌說文曰

溥漠以翮撫水之狀也長轡遠引旋復迴皇孟康漢書注曰

貌謂飛鴻之狀也李允充屈鬱律瞋菌礮挾皆衆聲鬱積

廣雅曰引伸也李允充屈鬱律瞋菌礮挾競出之貌屈

七疑曰迴皇競集音掘瞋尺鄰切菌去倫切礮於迴切挾鳥朗切豐琅磊落駢田磅唐衆聲宏大

鄴普萌切琅力耕切磅唐廣大取予時適去就有方莊

盤礴也宋玉笛賦曰磅唐千仞取予時適去就有方子

曰去就取予能知六者塞道者也高誘呂氏春秋注曰適中適也毛萇詩傳曰方則也洪殺衰序

希數必當鄭玄周禮注曰殺減也所屈切左氏傳魏獻

子曰遲速衰序杜預曰衰差序次也衰楚危

微風纖妙若存若亡老子曰若蓋滯抗絕中息更裝

方言曰燼錄也蓋與燼同在進切喪服子夏傳曰奄忽抗極也許慎淮南子注曰裝束也調更裝而奏之

滅沒嗟然復揚方言曰奄遽也或乃聊慮固護專美擅工

聊慮固護精心專一之貌說文曰擅專也漂凌絲簧覆冒鼓鍾漂凌謂漂蕩凌駕也覆冒

謂掩覆冠冒也風俗通曰黃笙中簧也大笙謂之簧或乃植持縱纏伯儗寬容言聲

或植立而相牽引持似於縱纏也說文曰縱以長繩繫牛也徐絹切漢書音義張景曰二股謂之糾三股謂之

纏伯儗寬容之貌伯勅吏切儗五吏切簫管備舉金石並隆毛詩曰既備乃奏簫管備

舉漢書曰石曰磬金曰鍾鄭玄禮記注曰隆盛也無相奪倫以宣八風尚書曰八音克

諧無相奪倫呂氏春秋曰舜以變為樂正於是正六律和均五聲以通八風杜預左氏傳注曰八風八方之風

少息暫怠雜弄間奏易聽駭耳有所搖演

言變易人之視聽也搖動

也演引也言有所動引於心

安翔駘蕩從容闡緩

毛長詩傳曰間代也莊子曰患施之

材駘蕩而不得駘蕩安翔貌蒼頡篇曰闡開也漢書曰闡諧慢易之音作

惆悵怨懟窳圖寘

赦

字林曰懟怨也窳圖聲下貌國於洽切寘赦聲緩也寘恥輦切赦女善切

聿皇求索乍近

乍遠

聿皇疾貌

臨危自放若頽復反蚡緼蟠紆經寃蜿蟺

緼蚡

蟠紆聲相糾紛貌蚡扶云切緼於文切經寃蜿蟺盤

寘

笏抑隱行入諸變

笏笏抑隱手循孔之貌毛長詩傳曰行往也鄭玄周禮注曰變猶更也樂

成則更奏絞檠汨湟五音代轉

絞檠汨湟音相切磨貌言聲相絞檠如水之聲汨湟水流

貌紋古切切樂古愛切汨于筆切淫音黃

按拏按城迹相乘遭

說文曰按推也奴迴切蒼

韻篇拏捩也引也

奴家切廣雅曰按推之也子貴切城猶抑也遭遭迴也張連切一云遭當為跟司馬彪莊子

注曰跟踰也女展切

反商下徵每各異善

反商猶變商也淮南子曰變宮生徵變徵生商

變商生羽琴道曰下徵七絃總會樞極沈約宋書曰下徵調法林鍾為宮南宮為商注云第三孔也本正聲黃

鍾之羽今為下徵之商也

故聆曲引者觀法於節奏察度於句授以

知禮制之不可踰越焉

廣雅曰聆聽也引亦曲也蔡邕琴操曰懷歸引者衛女之所作

也琴引者秦時倡屠門高之所作也禮記曰文采節奏樂之飾也說文曰逗止也投與逗古字通音豆投句之

也所止

聽筵弄者遙思於古昔虞志於怛惕以知長戚之

不能閒居焉

邁弄蓋小曲也說文曰邁伴字如此毛長詩傳曰怛怛惕惕憂勞也閒音闕故

論記其義協比其象徬徨縱肆曠養敞罔老莊之槩也

老子已見避天台賦史記曰莊子者蒙人也名周其要本歸於老子之言其言汪洋自覺其適己也曠苦廣切

做寬大貌

溫直優毅孔孟之方也

尚書曰華陶曰優而毅直而溫言正直而

有溫和也溫和正直柔而能毅也史記曰孔子名丘字仲尼姓孔氏魯昌平鄉鄆邑人又曰孟軻鄒人也序詩

書述仲尼之意激朗清厲隨光之介也

激切明朗清而能厲厲列也莊子曰湯將伐桀

因卞隨而謀之卞隨曰非吾事也湯又因務光而謀之務光曰非吾事也湯伐桀克之以讓卞隨隨曰再來漫

我以其辱行乃自投桐水而死湯入讓務光光曰無道之世不踐其土况尊我乎乃自負石而自投灋水高士

傳曰湯伐桀求道於下隨隨不應及滅讓於下隨隨曰君以我為食天下遂投瀘水而死湯又讓務光光亦投水而死劉熙孟子注曰介操也

牢刺拂戾諸賁之氣也

牢刺牢落乖刺也說文曰刺戾

也左氏傳曰吳公子光享王鱗諸抽劍刺王說苑曰勇士孟賁水行不避蛟龍陸行不避虎狼

節解句

斷管商之制也

史記曰管仲夷吾者潁上人也任政於齊又曰商君者衛之諸庶孽子也名鞅

姓公孫氏好刑名之學秦封於商號商君

條決續紛申韓之察也

言科條能分決

續紛能整理也史記申不害者京人也學本於黃老而主刑名又曰韓非者韓之諸公子也喜刑名法術之學見韓稍弱數以書諫韓王王不能用乃觀王者得失之變作孤憤五蠹說林十萬言秦王見其書曰嗟乎寡人得見與之游死不恨

繁縟絡繹范蔡之說也

辭旨繁縟又相連續也說文曰縟彩飾也

范睢蔡澤並辨士也范睢已
見西京賦蔡澤見歸田賦
標

勢標鉞慍哲龍之惠也

標

鉞慍皆分別節制之貌
勢音標音歷鉞他堯切慍明
麥切左氏傳曰鄭駟設役
鄧哲而用其節刑杜預曰鄧

哲鄭大夫也史記曰公孫龍趙人為堅白同異之辯
告太康地記曰汝南西平縣有淵水可用淬刀劍特利故

有堅白之論云黃以為堅白以為利也或
辯之曰白所以為不堅黃所以為不利也
上擬法於韶

箭南箭

左氏傳昭二十九年吳公子札來聘魯人為奏
四代樂見舞韶箭者曰德至哉杜預曰舜樂也

音簫又曰見舞象箭南箭者曰美哉杜預曰象箭舞者
所執南箭舞也文王樂也南言文王化自北而南謂從
岐周被江漢也爾雅釋樂曰大箭謂之產注
箭如笛三孔而短小廣雅曰七孔箭音簫

中取度於

白雪淥水

宋玉諷賦曰臣援琴而鼓之作幽蘭白雪之
曲淮南子曰手會淥水之趣高誘曰淥水古

詩下采制於延露已人

淮南子曰歌采菱發陽阿鄙人聽之不若延露以和宋玉對問

曰客有歌於郢中者其始曰下里已人

是以尊卑都鄙賢愚勇懼

毛萇詩傳曰子

都世之美好者鄙陋也呂氏春秋曰愚智勇懼可得而知

魚鼈禽獸聞之者莫不張

耳鹿駭熊經鳥伸鵠視狼顧拊譟踊躍

鹽鐵論曰邊境無鹿駭狼顧之

憂淮南子曰鵠視而狼顧熊經而鳥伸此養形之

各得

其齊人盈所欲

禮記曰樂者樂也君子樂得其道小人樂得其欲齊分限也在細切

皆反

中和以美風俗

禮記曰喜怒哀樂之未發謂之中發而皆中節謂之和漢書王尊曰廣教化美

風俗屈平適樂國介推還受祿

言各反其常性也屈平屈原也必適樂國而求仕不

沉湘流以殞身也史記屈原者名平楚人同姓為懷王左司徒為上官大夫心害其能譏平及懷王卒襄王立人為令尹子蘭使上官大夫短屈原於襄王王怒而遷之原至江南乃作懷沙賦於是懷石因投汨羅以死也今言屈平聞此笛聲即還之楚國不投汨羅而死也他皆放此毛詩曰適彼樂國左氏傳僖二十四年晉侯賞從亡者介之推不言祿祿亦弗及推曰獻公之子九人唯君在矣忠懷無親內外棄之天未絕晉必將有主主晉祀者非君而誰而二三子以為己力不亦誣乎其母曰盍亦求之以死誰慙曰尤而效之其又甚焉其母曰能如是乎與汝偕隱遂死而晉澹臺載尸歸臯魚節其侯求之不獲以綿上為之田

澹臺載尸歸臯魚節其

哭博物志曰澹臺滅明之子溺死於江弟子欲收而葬之明止之曰螻蟻何親魚鼈何仇弟子曰何夫子之不慈乎對曰生為吾子死非吾鬼遂不收塋韓詩外傳曰孔子出行聞有哭聲甚悲則臯魚也披褐擁劍哭於

路左孔子下車而問其故對曰吾少好學周流天下以後吾親死一失也高尚其志不事庸君而晚事無成二失也少擇交遊寡親友而老無所託三失也夫樹欲靜而風不止子欲養而親不待徃而不可反者年也逝而不可追者親也吾於是辭矣立哭而死孔子謂弟子曰識矣於是門人辭歸養親者一十三人

長萬輟

逆謀渠彌不復惡

左傳曰莊十二年長萬南宮萬也弑宋閔公於蒙澤蒙澤佳地梁國有蒙

縣南官氏長萬名也左傳曰桓十二年傳云初鄭伯將以高渠彌為卿昭公惡之因諫不聽昭公立懼其殺己辛卯殺昭公而立公子亶君子謂昭公知所惡矣公子達曰高伯其為戮乎復惡己甚矣注曰公子達魯大夫復重本為昭公所惡而復殺君重也昭公鄭

蒯瞶能退

敵不占成節鄂

左傳曰定十四年衛靈公逐太子蒯瞶太子奔宋至哀公二年衛靈公卒而立

蒯瞶之子輒為衛侯晉趙鞅乃納蒯瞶于戚至哀公三年衛侯輒帥師圍之父子爭國為讎敵也韓詩外傳云不占陳不占也齊人崔杼弑莊公陳不占聞君有難將往赴之食則失哺上車失軾其僕曰敵在數百里外而懼如是雖往其益乎占曰死君之難義也無勇私也乃驅車而奔之至公門之外聞鼓戰之聲遂駭而死君子謂不占無勇而能行義可謂志士矣鄂直也從邑者乃地名也非此所施也字林曰鄂直言也謂節操蹇鄂而懦也

王公保其位隱處安林薄

楚辭曰露新夷元林薄王逸曰草木交曰薄

宦夫樂其業士子世其宅

淮南子曰古者至德之時農安其業大夫安其職而處士

修其譚魚喁於水裔仰馮馬而舞玄鶴

韓詩外傳曰昔伯牙鼓琴而潛

魚出聽鈞已鼓琴而六馬仰秣淮南子鈞已鼓瑟而潛魚出聽注曰鈞已楚人也亦善於瑟潛魚出頭於水而

聽之淮南子水濁則魚噉噉政苛則人亂汪楚人噉噉
魚出頭也淮南子伯牙鼓琴而鳴馬仰秣即頭仰謂馬
笑韓子師曠援琴一奏有玄鶴二八來集再奏而列三
奏延頸而鳴舒翼而舞尚書大傳曰虞舜歌樂曰和伯
之樂舞于斯時也繇駒吞聲伯牙毀絃孟子浮于髡曰
玄鶴

于斯時也繇駒吞聲伯牙毀絃

孟子浮于髡曰
昔繇駒處高唐

而齊右善歌瓠巴聃柱磬襄弛懸

列子曰瓠巴鼓琴而
鳥舞魚躍孫卿子曰

昔瓠巴鼓琴潛魚出聲江遜文釋曰瓠巴齊人也說文
曰聃安也丁遜切論語曰擊磬襄八于海周禮曰大憂
令弛懸鄭玄曰弛
釋下也懸鍾架也留眎矐眎累稱屢讚

字林曰矐直視
貌蒼頡篇曰矐

直下視貌五庚切字
林曰眎驚貌物更切失容墜席搏拊雷拊

廣雅曰搏拊
也說文曰拊

撫手也雷拊
聲如雷也

焦眇眇維涕洟流漫

焦眇眇維目開合之
貌焦子小切方言曰

眇小也亡小切聲類曰睢大視也字林曰睢仰目也許惟切字林曰維持也易曰齋諮涕洟王弼曰齋諮嗟嘆

之聲也說文曰淡鼻液也勅計切是故可以通靈感物寫神喻意喻曉也禮

記曰樂和故萬物皆化言可以通於神靈感致萬物舒寫精神曉喻志意也致誠效志率作

興事致極也效驗也尚書咎繇曰率作典事慎乃憲欽哉孔安國曰憲法也天下率臣下為起治事當慎

汝法度敬其職也既盥汙澣澡雪垢滓矣毛萇詩傳曰既澣也古載切本或為樂音

義同禮記曰食於質者盥亦澣也公緩切說文曰澣水多也澡洗手也莊子曰澡雪而精神高誘淮南子注曰

雪拭也說文曰滓澣也昔庖犧作琴神農造瑟庖犧即伏羲也琴操

曰昔伏羲氏之作琴所以修身理性反天真也淮南子曰神農之初作瑟以歸神反望及其天心也女媧

制簧暴辛為塤

禮記曰女媧之笙黃世本曰女媧作簧暴辛為塤宋均曰女媧黃帝臣也暴辛

周平王時諸侯作塤有三孔郭璞爾雅注曰塤燒土為之大如雞卵塤虛哀切垂之和鐘叔之

離磬

禮記曰垂之和鐘叔之離磬鄭玄曰垂堯之共或工也世本日叔舜時人和離謂次序其聲縣也

鑠金礪石華琬切錯

皆理器之名也樂汁圖微曰鑠金為鐘四時九乳鑠金雖出樂緯此

金謂黃金總飾衆器非止鐘也賈逵注傳曰消鑠也說文曰金有五色黃為長鑠與爍同國語張老曰天子之

室斲其椽而礪之加密石馬韋昭曰礪磨也力東切禮記曰華而琬大夫之簣與鄭玄曰華畫也說者以琬為

刮節目也琬胡縮切爾雅曰骨謂之切屏謂之削毛萇詩傳曰治骨曰切尚書曰錫貢礪錯孔安國曰治玉曰

錯凡挺彫琢刻鏤鑄

韓詩曰松柏凡凡辭君曰取松與柏然則凡取也漢書音義如

淳曰槌擊也舒連切一作延老子曰槌埴以為器河上公注曰埴和也埴土也和土為食飲之器也淮南子曰

陶人克埴埴許重曰埴埴也埴土為也爾雅曰玉謂之彫石謂之琢郭璞曰治玉石也爾雅曰金謂之鏤木謂之刻郭璞曰治器之名也說文曰鑽所以穿也又曰鑿穿木也國語臧文仲曰中刑用刀鋸其次用鑽窄韋昭

注為笮而賈逵注為鑿然笮與鑿音義同也鑽子九切窮妙極巧曠以日月然後

成器其音如彼

解嘲曰曠以日月

唯笛因其天姿不變其材伐

而吹之其聲如此

天姿天然之姿也

蓋亦簡易之義賢人之業

也

周易曰乾以易知坤以簡能易則易知簡則易從易知則有親易從則有功有親則可久有功則可大可

久則賢人之德可不煩劇也

若然六器者猶以二皇聖

哲薙益

六器琴瑟黃瓊鐘磬淮南子曰二皇鳳至于度
高誘曰二皇伏羲神農也聖哲謂女媧暴辛倕

叔之流薙猶
犢也佗斗切

况笛生乎大漢而學者不識其可以裨助

盛美忽而不讚悲夫

說文曰裨益
也婢移切

有庶士丘仲言其所

由出而不知其弘妙

尚書曰庶邦庶士風俗通
曰笛武帝時丘仲所作

其辭曰

近世雙笛從羌起羌人伐竹未及已

風俗通曰笛元羌
出又有羌笛然羌

笛與笛二器不同長於古笛
有三孔大小異故謂之雙笛龍鳴水中不見已截竹吹

之聲相似

見胡鍊切
已謂龍也

刻其上孔通洞之裁已當適便易

持

麤者曰撾細者曰枚言裁笛似當撾故便
而易持也適馬策也竹爪切裁或為材

易京君明

識音律故本四孔加以一君明所加孔後出是謂商聲

五音畢

漢書曰京房字君明漢武帝時人也修易尤好鍾律知五聲然京房修易故曰易京房笛本四

孔房加一孔於下為商聲故謂五音畢沈約宋書曰笛京房備其五音言易京者猶如莊周蒙人謂莊蒙及磬之此

襄宋崔

琴賦

并序 尸子曰舜作五絃之琴以歌南風南風之薰兮可以解吾民之愠是舜歌也白虎

通曰琴者禁也禁人邪惡歸於正道故謂之琴

嵇叔夜

嵇榮緒晉書曰嵇康字叔夜譙國人幼有奇才博覽無所不見拜中散大夫以吕安事誅

余少好音聲長而翫之

杜預左氏傳注曰翫習也

以為物有盛衰而

此無變

夫子曰夫物盛則衰

滋味有厭而此不

勸莊子曰聲色滋味之於人心不

待學而樂之左氏傳閭閻女寬曰及饋之畢願以小人之腹為君子之心屬厭而已說文曰厭從甘由犬會意

字也 可以導養神氣宣和情志

管子曰導血氣而求長年淮南子曰古之人神氣不

蕩乎處窮獨而不悶者莫近於音聲也

孟子曰柳下惠遺佚而不怨阨

窮而是故復之而不足則吟詠以肆志吟詠之不足則

寄言以廣意

毛詩序曰言之不足故詠歌之詠歌之不足不知手之舞之杜預左氏傳注曰肆申

也尚書曰詩言志

然八音之氣歌舞之象歷世才士並為之賦

頌其體制風流莫不相襲

淮南子曰晚世風流俗敗禮義廢仲長子昌言曰乘北風

順此流而下走誰復能為此限者稱其材幹則以危苦哉孔安國尚書傳曰襲因也

為上賦其聲音則以悲哀為主美其感化則以垂涕為

貴麗則麗矣然未盡其理也高誘戰國策注曰麗美麗也推其所由

似元不解音聲覽其旨趣亦未達禮樂之情也趣意也禮記曰

故知禮樂之情者能作衆器之中琴德最優桓譚新論曰八音廣博琴德最優馬融琴

賦曰廣三奏而神物下降何琴德之深哉故綴叙所懷以為之賦其辭曰惟

椅梧之所生兮託峻嶽之崇岡毛詩曰椅桐梓漆爰伐琴瑟毛萇曰椅梓屬也史記

曰龍門有桐樹高百尺無枝堪為琴披重壤以誕載兮參辰極而高驤披開

也重壤謂地也泉壤稱九故曰重也毛萇詩傳曰誕大也載生也爾雅曰北極北辰也孔安國尚書傳曰稟上

也驥與含天地之醇和兮吸日月之休光謂包含天地之氣引

日月光明也周易曰鬱紛紛紜以獨茂兮飛英蕤於昊蒼

說文曰蕤草木花貌汝誰切夕納景于虞淵兮旦晞幹於九陽納藏也淮

南子曰曰入于虞淵之汜又曰入于虞淵是謂黃昏高誘曰視物黃也晞乾也幹本也楚辭曰夕晞余身乎九

陽王逸曰九陽謂九天之涯也經千載以待價兮寂神時而永康論語子曰

我待價者也價者且其山川形勢則盤紆隱深確嵬岑

物之數也康安也

崑崙曲紆屈隱幽深邃也崔嵬高峻之玄嶺巉巖岵嶭

貌崑崙危嶮之形字林曰崑崙山巖也

峴嶺

皆山石崖嶽
峻之勢

丹崖嶮巖青壁萬尋若乃重巖增起

偃蹇雲覆

偃蹇高貌言高在上
偃蹇然如雲覆下也

邈隆崇以極壯崛巍巍

而特秀

巍巍高大貌廣
雅曰秀出也

蒸靈液以播雲據神淵而吐溜

蒸氣上貌言山能蒸出雲以沾潤萬物播布也孔子曰

夫山者興吐風雲以通乎天地之間說文曰津液也溜

水流也

爾乃顛波奔突狂赴爭流觸巖觖隈鬱怒彪休

觖觖至

也隈水曲也

洶涌騰薄奮沫揚濤澌汨澎湃蜚蜚相糾

彪休怒貌

御汨去疾貌澎湃相戾之形也蜚蜚展轉
也糾綠也蜚於阮切蜚音善糾已糾切

放肆大川濟

乎中州

肆猶縱也中
州猶中國也

安回徐邁寂爾長浮

安回波靜皆
去象上林賦

曰安期徐曰又曰寥寥無聲

澹乎洋洋縈抱山丘

說文曰澹水搖也

詳觀其

區土之所產毓與宇之所寶植

廣雅曰與藏也毛詩傳曰宇居也

珍怪

琅玕瑤瑾翕赭

高唐賦曰珍怪奇偉尚書曰球琳琅玕皆美玉名說文曰瑾玉名也翕赭盛貌

詩傳曰赭赤色貌

叢集累積負行於其側

蒼頡篇負負散貌衍溢也

若乃春

蘭被其東沙棠殖其西

楚辭曰春蘭兮秋菊山海經曰崑崙之丘有木焉其狀如棠而

黃華赤實其味如李而無核名曰沙棠御水人食之使不溺

渭子宅其陽玉醴涌其

前

列子傳曰渭子者齊人好餌木著天地人經三十八篇釣於澤得符鯉魚中隱於宕山能致風雨造伯陽

九山法淮南王少得文不能解其音旨其琴心三篇有條理焉揚雄太玄賦曰茹芝英以禦飢飲玉醴以解渴

宋玉笛賦曰丹水涵其左醴泉流其右

玄雲陰其上翔鸞集其巔清露潤

其膚惠風流其間

邊讓章華臺賦曰惠風春施

疎肅肅以靜謐密微

微其清閒

爾雅曰謐靜也微微幽靜也

夫所以經營其左右者固以

自然神麗而足思願愛樂矣

東都主人曰闕庭神麗

於是遯世之

士榮期綺季之疇

周易曰遯世無悶列子曰孔子遊於泰山見榮啓期行乎郊之野鹿裘帶

索鼓琴而歌孔子曰先生何以為樂曰天生萬物惟人為貴吾得為人一樂也男貴女賤吾得為男二樂也生有不見日月不充襁褓者吾年九十是三樂也貧者士之常死者人之終處常待終復何憂乎孔子曰能自寬也班固漢書曰漢興有東園公綺里季夏黃公角里先生當秦之時避世而入商洛深山以待天下之定即四

皓也皇甫謐高士傳曰四乃相與登飛梁越幽壑飛梁橋也

甘泉賦曰厖側援瓊枝陟峻嶸以遊乎其下莊子曰南

景而絕飛梁方生樹名瓊枝周旋永望邈若陵飛言若鳥之陵飛左氏傳邪睨崑

崙俯闕海湄說文曰睨邪視也崑崙山名也闕指蒼梧

之迢遞臨迴江之威夷漢書有蒼梧郡山海經曰南方

所莖在長沙零陵界洞簫賦曰迴江寤時俗之多累仰

箕山之餘輝高士傳曰堯讓位於許由由辭曰鷦鷯巢

乎沛澤堯讓不已於是邈於中嶽潁水之陽箕山之下

死因莖於箕山之巔十五里堯因就封其墓號曰箕公

子仲武湯城槐里人也呂氏春秋曰昔堯朝許由美斯
於沛澤之中曰請屬天下於夫子許由遂之箕山之下

嶽之弘敞心慷慨以忘歸

西京賦曰赫眎眎以弘敞爾雅曰愜慷慨也史記曰穆天

子見西王母樂之忘歸

情舒放而遠覽接軒轅之遺音

軒轅黃帝也遺音謂

也慕老童於騄隅欽泰容之高吟

山海經曰騄山神耆童居之其音常如鍾

磬音郭璞曰耆童老童也顓頊之子山海經曰顓頊生老童思立賦曰太容吟曰念哉騄山在三危西九十里

顧茲梧而興慮思假物以託心

莊子曰不以身假物

乃斲孫枝准

量所任

說文曰斲斲也張衡應問曰可剖其孫枝鄭玄周禮注曰孫竹枝根之未生者也蓋桐孫亦然

至人攄思制為雅琴

莊子曰不離於貞謂之至人又曰至人無己神人無功郭象曰無己

故順物順物而至
劉向有雅琴賦

乃使離子督墨匠石奮斤

孟子曰離婁黃帝時

人黃帝亡其玄珠使離婁索之能視百里之外見秋毫之末離子離珠也淮南子曰離朱之明察鍼末於百步之外按慎子為離珠周禮禁督逆祀者鄭玄曰督正也字書曰督察也莊子曰匠石之齊見櫟社樹觀者如市匠石不顧司馬彪曰石字伯變

變襄薦法般倕騁神

變及師襄班倕並已見上文

鏤

會裛廁朗密調均

鏤會謂鏤鏤其縫會也裛廁謂裛鏤其填廁之處也說文曰裛鏤也廣雅

曰廁

華繪彫琢布藻垂文

孔安國尚書傳曰繪會五彩也胡憤切

錯以犀

象籍以翠綠

犀象二獸名翠綠二色也

絃以園客之絲徽以鍾山之

玉列仙傳曰園客者濟陰人也常種五色香草積數十年食其實一旦有五色神域止香樹末客收而薦之

以布生糸蠶焉時有好女夜至自稱我與君作妻道蠶
狀客與俱蠶得百頭繭皆如繆繅繭六十日乃盡訖則
俱去莫知所如淮南子曰譬若鍾山之玉
許慎曰鍾山北陸無日之地出美玉
爰有龍鳳之

象古人之形

西京雜記曰趙后有寶琴曰鳳凰皆以
金玉隱起為龍螭鸞鳳古賢列女之象伯

牙揮手鍾期聽聲

廣雅曰揮動也呂氏春秋曰伯牙鼓
琴鍾子期聽之志在泰山鍾子期曰

善哉巍巍乎若泰山須臾志在流水子期曰湯湯乎若
流水子期死伯牙破琴絕絃終身不復鼓琴以為世無
賞音列子曰伯牙善鼓琴鍾子期聽伯牙鼓琴母奏鍾
期輒窮其處伯牙捨琴而嘆曰善哉子之聽夫志相象
猶吾心也吾華容灼爚發采揚明何其麗也

說文曰灼
明也又曰

爚火
光也

伶倫比律田連操張

漢書曰黃帝使伶倫自大夏
之西崑崙之陰取竹之嶰谷

斷兩節間而吹之以為黃鍾之宮制十二簫以聽鳳凰之音以比黃鍾之宮皆可以生之是為律本韓子曰田連成竅天下善鼓琴者也然而田連鼓上成竅掀下而不成曲或曰成連古之善音者琴操伯牙學琴於成連先生先生曰吾能傳曲而不能移情吾師有方子春善於琴能作人之情今在東海上子龍與我同事之乎伯牙曰夫子有命敢不敬從乃進御君子新聲嘹亮何其相與至海上見子春受業焉

偉也

慘亮聲清微貌亦與聊字義同

及其初調則角羽俱起宮徵相證

王逸楚辭注曰證驗也

參發並趣上下累應蹀躞磔硤美聲將興

廣雅曰蹀躞無常也磔硤壯大貌磔與磊同力罪切

固以和昶而足耽矣

廣雅曰昶通也

勅兩切

爾乃理正聲奏妙曲揚白雪發清角

淮南子曰師曠奏白雪而

神禽下白雪五十絕瑟樂曲未詳韓子曰昔衛公之晉
於濮水上宿夜有鼓吹聲者召師涓撫琴寫之公遂之
晉晉平公曰試聽之師曠援琴一奏有玄鶴二八來舞
再奏而列三奏延頸鳴舒而舞音中宮商師曠曰不如
清角師曠奏之有雲從西北方起之大風起天雨隨之
此言感天地清角為勝宋玉對問曰其為陽春白雪韓
子師曠曰清微之聲不如清角

紛林浪以流離真淫衍而優渥粲奕奕

而高逝馳岌岌以相屬

廣雅曰奕奕盛貌王逸楚辭注曰岌岌高貌

沛騰選

而競趣翕韃眊而繁縟

韃眊盛貌繁縟聲之細也郭璞爾雅注曰選相觸選也

狀

若崇山又象流波浩兮湯湯鬱兮戕戕

列子曰伯牙鼓瑟志在登高山

鍾子期曰善哉哉今若泰山志在流水已見上文

佛惛煩寃紆餘婆娑

佛惛煩寃聲蘊

積不安貌拂扶味切憫音胃風賦曰陵縱播逸霍濩紛

葩

言聲陵縱播布而起霍濩然似水聲紛葩開張貌霍濩盛貌魯靈光殿賦曰霍濩燐亂

檢容授

節應變合度競名擅業安軌徐步洋洋習習聲烈遐布

含顯媚以送終飄餘響乎泰素

含顯媚之聲以送曲終也列子曰太素者質之

始也若乃高軒飛觀廣廈閒房

軒長廊之有廳

冬夜肅清朗月垂

光新衣翠粲纓徽流芳

子虛賦曰翕呶翠粲張揖曰翠粲衣聲也班婕妤自傷賦曰紛

翠粲今紕數聲洛神賦曰按羅衣之璀璨字雖不同其義一也爾雅曰婦人之徽謂之縞郭璞曰今之香纓也

於是器冷絃調心閒手敏

毛萇詩傳曰閒習也

觸挽如志唯意所

擬

說文曰批反手擊也與概同
浦結切如志謂如其志意

初涉淶水中奏清徵

淶水

己見上文

韓子曰師曠奏
清徵有玄鶴二八集廊門

雅昶唐堯終詠微子

七略雅
暢第十

七曰瑟道曰堯暢逸人曰堯則兼善天下無不通暢故
謂之暢昶與暢同又曰微子操微子傷殷之將亡終不

可奈何見鴻鵠
高飛援琴作操

寬明弘潤優遊躊躇

躊躇時躊躇時躊躇時

柎絃安歌

新聲代起

楚辭曰翔江州而安歌王逸曰安意歌
吟也漢書曰李延年善歌為新變之聲

凌扶搖兮憇瀛洲要列子兮為好仇

爾雅曰扶搖風也
莊子曰扶搖而上

者九萬里史記曰瀛洲海中仙山也列子曰渤海之中
有山曰瀛洲莊子列子禦風冷然者風仙也劉向上列

子表曰列子者鄭人與鄭繆公同時漢書曰列子名餐
禦寇先莊子莊子稱之毛詩曰窈窕淑女君子好仇

沉瀝兮帶朝霞眇翩翩兮薄天游

鄭玄曰餐夕食也說文曰餐吞也楚辭曰

餐六氣而飲沆瀣兮漱正陽而食朝霞炎陽子明經曰夏食沆瀣沆瀣北方夜半氣也廣雅曰薄至也

齊

萬物兮超自得委性命兮任去留

莊子有齊物篇楚辭曰漢靈靜以恬愉澹

無為而自得鵬鳥賦曰縱軀委命不私與己

激清響以赴會何絃歌之綢繆

會節會也論語曰子之武城聞絃歌之聲毛詩傳曰綢繆猶纏綿也

於是曲引向闌衆音

將歇

引亦曲也半半罷謂之間

改韻易調竒弄乃發揚和顏攘皓

腕

舞賦曰嚴顏和而怡懌洛神賦曰攘皓腕於神薜

飛纖指以馳騫紛氤言以

流漫

氤嘉聲多也氤不及也師立切說文曰嘉疾言也徒合切

或徘徊顧慕擁鬱抑

按盤桓毓養從容秘翫

廣雅曰盤桓不進貌從容舉動也毓與育同

闐爾奮

逸風駭雲亂

閼疾貌七發曰波湧而雲亂

牢落凌厲布濩半散

牢落猶遼

落也洞簫賦曰翩綿連以牢落劉歆遂初賦曰過句注而凌厲上林賦曰布濩宏澤甘泉賦曰半散照爛燦以

成章豐融披離斐韡與爛

豐融盛貌風賦曰被麗披離斐韡明貌斐數尾切韡于鬼切風

賦曰與衆爛

英聲發越采采粲粲

廣雅曰英美也

或間聲錯糅狀若

詭赴

言其狀若詭詐而相赴也鄭玄禮記注曰糅雜也

雙美並進駢馳翼驅

駢併

也翼疾貌蒼頡篇曰隨後曰驅

初若將乖後卒同趣或曲而不屈直而

不倨

左氏傳吳公子季札聞歌頌曰直而不倨曲而不屈杜預曰倨敖也居預切

或相凌而

不亂或相離而不殊

左氏傳曰武城人斷其後之木時而不殊漢書音義曰殊猶絕也

劫擄以慷慨或怨嫿而躊躇

說文曰擄徧引也嫿嬌也子虛切或作姐古字通假借

也姐子也切韓詩曰愛而不見搔首躊躇躊躇猶蹰蹰也

忽飄飄以輕邁乍留連

而扶疏

言扶疎四布也

或參譚繁促複疊攢仄

參譚相隨貌參七感切譚徒感

切一音並依字攢仄聚聲長笛賦曰踟蹰攢仄

從橫駱驛奔逐相逼

魯靈光殿賦曰從橫

駱驛拊嗟累讚間不容息

淮南子曰時之反側間不容息高誘曰不容氣息促之甚也

瓌豔竒偉殫不可識

高唐賦曰譎詭竒偉不可究陳

若乃閒舒都雅洪

纖有宜

說文曰閒雅也毛萇詩傳曰都閒也

清和條昶案衍陸離

案衍不平貌上

林賦曰陰滋案行之音衍也
戰切廣雅曰陸離參差也
穆溫柔以怡懌婉順叙而

委蛇

毛萇傳曰婉然美貌委蛇聲長貌鄭
玄毛詩箋曰委蛇委曲自得之貌

或乘險投會

邀隙趨危

會節會也

嚶若離鵙鳴清池翼若游鴻翔曾

崖

蒼頡篇曰嚶嚶鳥聲也琴道曰操似鴻雁詠之
聲張衡舞賦曰含清哇而吟詠若離鵙鳴姑邪

紛文

斐尾慊繆離纒

紛文斐尾文彩貌
慊繆離纒羽毛貌

微風餘音靡靡猗猗

靡靡順風貌猗猗衆盛貌

或樓挽操將縹繚漱冽

樓挽操將皆手撫
拂絃之貌爾雅曰

樓牽也劉向孟子注曰樓牽也力頭切說文曰挽反手
擊也廣雅曰標擊也毛詩曰薄言將之傳曰將取也縹

繚漱冽聲相糾激之貌說文曰縹纒也上林
賦曰轉騰激冽激冽水波浪貌言聲似也

輕行浮彈

明嫿際惠

說文曰嫿靜好也際察也七祭切

疾而不速留而不滯

左氏傳吳

公子札觀樂頌曰處而不底行而不流淮南子曰流而不滯

翩綿飄邈微音迅逝遠

而聽之若鸞鳳和鳴戲雲中迫而察之若衆葩敷榮曜

春風

古本葩字為花貌郭璞曰葩為古花字合讀音于彼切字林音于彼切張衡思立賦曰天地烟煴百

草含葩鳴鶴交頸雖鳩相和以韻推之所以不惑

既豐贍以多姿又善始而令

終

字書曰贍足也封禪書曰豈不善始善終哉毛詩曰高朗令終令善也

嗟姣妙以弘麗

何變態之無窮

西京賦曰盡變態乎其間

若夫三春之初麗服以時

班固終南山賦曰三春之季孟夏之初纂要曰一時三月謂之三春九十日謂之九春西京賦曰麗服揚菁

乃攜友生以遨以嬉

毛詩曰雖有兄弟不如友生又

涉

蘭圃登重基

春秋運斗樞曰山者地之基

背長林翳華芝

甘泉賦曰登夫鳳凰

而翳華芝

臨清流賦新詩

楚辭曰竊賦詩之所明王逸曰賦鋪也

嘉魚龍之逸

豫樂百卉之榮滋

樂動聲儀孔子曰風雨動魚龍仁義動君子歸田賦曰百卉滋榮

重華之遺操慨遠慕而長思

重華謂舜也琴道曰舜操者昔虞舜聖德玄遠遂升

天子喟然念親巍巍上帝之位不足保援琴作操

若乃華堂曲宴密友近賓蘭

肴兼御旨酒清醇

邊讓重華臺賦曰蘭肴山疎椒酒淵流毛詩曰旨酒思柔醇厚也

南荆發西秦

南荆即荆豔楚舞也古妾薄命行歌曰齊謳楚舞紛紛漢書有秦倡員

紹陵

陽度巴人

宋玉對問曰既而曰陵陽白雪國中唱而和之者彌寡然集所載與文選不同各隨所用

而引之又對曰客有歌於郢中者始曰巴人

變用雜而並起竦衆聽而駭神

料殊功而比操豈笙簫之能倫若次其曲引所宜則廣

陵止息東武太山

廣陵等曲今並猶存未詳所起應璩與劉孔才書曰聽廣陵之清散傳玄

琴賦曰馬融譚思於止息魏武帝樂府有東武吟曹植有太山梁甫吟左思齊都賦注曰東武太山皆齊之土風謠歌詠吟之曲名也然引應及傳者明古有此曲轉以相證耳非嵇康之言出於此也佗皆類此飛龍

鹿鳴鵠雞遊絃

漢書曰房中樂有飛龍章毛詩序曰鹿鳴宴羣臣也蔡邕琴操曰鹿鳴者周大

臣之所作也王道衰大臣知賢者幽隱故彈絃風諫古相和歌者有鵠雞曲遊絃未詳

更唱迭奏

聲若自然

高唐賦曰更唱迭和

流楚窈窕蹀躞雪煩

言流行清楚窈窕之聲足

以懲止蹀躞雪湯煩慙也慙直陵切

下逮謠俗蔡氏五曲

歌錄曰空侯謠俗行蓋亦古曲

未詳本末俗傳蔡氏五曲遊春渌水坐愁秋思幽居也

王昭楚妃千里別鶴猶有

一切承間道乏亦有可觀者焉

琴操曰王襄女漢元帝時獻入後宮以妻單于

昭君心念鄉土乃作怨曠之歌

歌錄曰石崇楚妃歎歌

辭曰楚妃歎莫知其所由楚之賢妃能立德著勲垂名

於後唯樊姬馬故令歎詠聲永世不絕疑必爾也相鶴

經曰鶴一舉千里蔡邕琴操曰商陵牧子娶妻五年無

子父兄欲為政娶牧子後琴鼓之歎別鶴以舒其憤慙

故曰別鶴操鶴一舉千里故名千里別鶴也崔豹古今

注曰別鶴操商陵牧子所作也牧子娶妻五年無子父

母將為之改娶妻聞之中夜起聞鶴聲倚戶而悲牧子

聞之愴然歌曰將乘北翼隔天端山川悠遠路漫漫攬衣不寢食後人因以為樂章也漢書音義曰一切權時也選已

然非夫曠遠者不能與之嬉遊非夫淵靜者不

能與之閒止

莊子老聃曰其居也淵而靜

非夫放達者不能與之無

妄

說文曰妄亦貪惜也

非夫至精者不能與之析理也

周易曰非天下之至

精其孰能與於此莊子曰判天下之美析萬物之理

若論其體勢詳其風聲器和

故響逸張急故聲清

說苑曰應侯與賈子坐聞有鼓琴之聲應侯曰今琴一何怨也賈子

曰張急調下使之怨也大張急者良材也調下者官卑也取良材而卑官之能無怨乎蔡邕月令章句曰凡絃之緩急為清濁琴緊

其絃則清漫則濁

間遼故音庠絃長故徽鳴

間遼謂

遠也絃長謂徽間而絃長也阮籍樂論曰琵琶第笛間促而聲高琴瑟之體間遠而音庠義與此同鄭玄周禮

注曰庠短也音婢傳毅雅琴賦曰時促均而增徽接角徵而控商性潔靜以端理含至

德之和平禮記曰潔靜精微易教也孝經曰昔者先誠王有至德要道禮記曰樂行血氣和平

可以感盪心志而發洩幽情矣說文曰盪除去也舞是賦曰幽情形而外揚

故懷戚者聞之莫不慄慄慘悽愴愴傷心字林曰慘毒也漢書音義

郭璞曰慄變色貌說文曰愴傷也含哀悽悽不能自禁慄七感切慘七敢切愴七小切

字林曰悽悽內悲也列子曰喜懼其康樂者聞之則歛拊舞不能自禁悽於六切悽音伊

愉懽釋拊舞踊溢說文曰歛笑留連瀾漫嗚喙終日服貌也亦于切

通俗篇曰樂不勝謂之嘔
嘔嘔鳥沒切嘔巨略切

若和平者聽之則怡養悅念

淑穆玄真

廣雅曰
養樂也

恬虛樂古棄事遺身

莊子曰虛靜恬
淡者道德之至

也又曰棄事
則形不勞

是以伯夷以之廉顏回以之仁

論語子曰
伯夷叔齊

鉞於首陽之下又曰顏回問仁子曰克己復禮為仁列
子子夏問孔子曰顏回之為仁奚若子曰回之仁賢於

丘比干以之忠尾生以之信

論語曰比干諫而元莊子
盜跖曰尾生與女子期不

來水至不去抱柱而死高誘注淮南子曰尾
生信人與婦人期於梁下不至而水溺死

惠施以之

辯給萬石以之訥慎

莊子曰惠施多方其書五車高誘
曰惠施宋人仕魏為惠王相漢書

曰萬石君奮恭謹舉朝無比奮長子建次甲次乙次慶
皆以馴行孝謹官至二千石景帝曰石君及四子皆二

千石人臣遭寵遇舉集其門凡號奮為萬石君建郎中令奏下建讀之驚恐曰書馬者與尾而五今乃四不足一譴死矣其為謹雖佗皆如是服虔曰作馬字下四而為五建上書奏誤作四慶為太僕御出上問車中幾馬慶策數馬舉手曰四馬孔安國曰訥遲鈍也其餘觸類而長所致非一同歸

殊途或文或質

周易曰引而伸之觸類而長之又曰天下同歸而殊途一致而百慮禮記曰虞

夏之質殷周之文至矣

總中和以統物咸日用而不失

禮記曰樂者天地之

命中和之紀周易曰百姓日用而不知

其感人動物蓋亦弘矣

禮記曰樂其感人深

于時也金石寢聲匏竹屏氣

孔安國曰屏除也

王豹輟謳狄牙

喪味

孟子淳于皃曰昔王豹處淇而河西善謳說文曰謳齊歌也淮南子曰淄澠之水合狄牙嘗而知之

天吳踊躍於重淵王喬披雲而下墜

山海經曰朝陽之谷有神名曰天吳

是為水伯其形首足尾並入面而色青楚辭曰

舞鸞鸞

於庭階游女飄焉而來萃

說文曰鸞鸞鳳屬神鳥也國語曰周文王時鸞鸞鳴於岐

山韓詩曰漢有游女不可求思薛君曰游女漢水神鄭大漢神時見不可求而得之烈女傳曰游女漢水神鄭大夫交甫於漢皋見之聘之摘袖張衡南都賦曰游女弄珠於漢皋之曲

感天地以致和况

蛟行之衆類

禮樂曰樂人作樂以應天制禮以應地此則樂者天之和也洞簫賦曰蟋蟀蛸蝓蛟

行喘息垂喙蜎蜎轉瞪管忘食說文曰蛟行也凡生之類行皆曰蛟

嘉斯器之懿茂詠茲

文以自慰永服御而不厭信古今之所貴

懿美也傳毅雅琴賦曰明

仁義以屬己故
永仰而密親

辭曰惜惜琴德不可測兮

劉向雅琴賦曰遊予心以

廣觀且德樂之情
惜和悅貌聲類曰和靜貌

體清心遠邈難極兮良質

美手遇今世兮紛綸翕響冠衆藝兮識音者希孰能珍

兮

古詩曰不惜歌者苦但傷知音希

能盡雅琴唯至人兮

賈逵曰唯獨也

笙賦

周禮笙師掌教笙鄭衆曰笙十二簧爾雅曰大笙謂之簧郭璞曰列管匏中施簧管端白

虎通曰笙者太疾之氣衆物之笙也

潘安仁

河汾之寶有曲沃之懸匏焉

河汾二水名也漢書曰汾水出汾陽北山又曰河東

郡聞喜縣故曲沃也崔豹古今注曰苑鄒魯之珍有汶

陽之孤篠焉

漢書魯國有鄒縣有汶陽縣杜預曰汶水大山出萊蕪縣說文曰篠小竹戴凱之竹

譜曰篠出魯郡堪為笙也

若乃繇蔓紛敷之麗浸潤靈液之滋隅隈

夷險之勢禽鳥翔集之嬉

鄭玄毛詩箋曰隅角也說文曰隅曲也

固衆作

者之所詳余可得而略之也

賈逵國語注曰略猶簡也

徒觀其制器

也則審洪纖面短長

周禮曰審曲面勢以飭五材鄭司農曰察五材曲直方面形勢之宜

剡生篲裁熟簧

剡割也

設宮分羽經徵列商泄之反謚厭

焉乃揚

鄭玄毛詩箋曰泄出也厭猶掩也於頰切亦作掀謂指掀也

管攢羅而表列

音要妙而含清

長門賦曰聲切要而復揚

各守一以司應統大魁以

為笙

言其管各守一聲以主相應總統也鄭玄禮記注曰魁猶首也大魁謂匏首柝定所也苦回切今古

切基黃鍾以舉韻望鳳儀以擢形

毛萇詩傳曰基本也漢書黃帝使伶倫取

竹斷兩節間而吹之以為黃鍾之宮黃鍾律呂之長故言基也說文曰笙十三簧象鳳之身尚書曰鳳凰來儀

寫皇翼以挿羽摹鸞音以厲聲

列管以象鳳翼也列仙傳曰王子喬好吹笙作

鳳鳴鸞鳳類

如鳥斯企翺岐岐

司馬彪曰企立也景福殿賦曰鳥企山跂

翺翺字林翺翺初起也岐岐飛

明珠在味若銜若垂

璞

爾雅注曰味鳥口也音盡修櫬內辟餘簫外透

修櫬長管也辟開也錄簫并衆管也透透

迤漸邪貌

駢田獵攬鯽參差

駢田聚也獵攬不齊也攬音虛鯽鯽裝飾重疊貌鯽

音狎鯽助曰切

於是乃有始泰終約前榮後悴激憤於今賤永

懷乎故貴

杜預左氏傳注曰泰奢也約儉也家語孔子曰激憤厲之志始桓子新論琴道曰雍門周

見孟嘗君孟嘗君曰先生鼓琴亦能令人悲乎對曰臣之所能令悲者先貴而後賤故富而今貧於是雍門揮琴而孟嘗君流涕

衆滿堂而飲酒獨向隅以掩淚

說苑曰古人於天下譬一

堂之上今有滿堂飲酒有一人獨索然向隅泣則一堂之人皆不樂韓詩外傳曰衆或滿堂而飲酒有人向隅悲泣則一堂為之不樂王者之於天下也有一物不得其所則為之悽愴心傷盡瘁不舉樂焉

援鳴笙

而將吹先嗚噦以理氣

言將欲吹笙咽中先噦而理氣也說文曰嗚咽也又曰噦氣氣

悟也。溫於忽切。噦，紆月切。噦，或為溫。穢，謂先溫暖去其垢穢，調理其氣也。初雍容以安暇。

中佛鬱以佛帽。

埤蒼曰：佛鬱，不安貌。

終嵬，我以蹇愕。又颯，還而繁。

沸。

蹇愕，正直之貌。

罔浪，孟以惆悵。若欲絕而復肆。

罔及浪，孟皆失志之貌。又

云：孟浪，虛誕之聲也。肆，放也。言聲將絕而復放。慟，檄糶以奔邀，似將放而中匱。

檄糶，疾貌。埤蒼曰：慟，宿留也。檄，音激。

慟愴，惻減。虺，鞋煜煜。

愴，惻減悲傷貌。虺，鞋煜煜盛

多貌。減，與域同。汎，逼切。廣雅曰：煜熾也。音育。說文曰：熠盛光也。熠，以入切。

汎淫，記豔。雪，晙。炭。

炭。

汎淫，記豔。炭，疾貌。雪，素合切。晙，于怯切。

或綦衍，夷靡或竦踴，剽。

急。

夷靡，平而漸靡也。

或既往，不反。或已出，復入徘徊，布護渙衍。

聳龍

聳龍重貌

舞既蹈而中輟節將撫而弗及

言以笙聲為主故舞者足

蹈中止而待之歌者將撫節而恐不及也

樂聲發而盡室歡悲音奏而列坐

泣

列子秦青曰昔韓娥為曼聲哀哭一里老幼悲愁垂涕相對復為曼聲長歌一里老幼喜躍抃舞不能自

禁擒纖翮以震幽簧越上箎而通下管

擒指捻也奴協切翮管也其形

類羽故曰翮也周易曰震動也呂氏春秋曰伶倫制十二箎說文曰箎斷竹也徒東切

應吹噏以

徃來隨抑揚以虛滿

噏虛及切虛滿謂隨氣虛滿也

勃慷慨以慘亮顧

躊躇以舒緩

慘亮聲清也聲類曰慘旦也音留廣雅曰躊躇猶慘也

輟張女之哀

彈流廣陵之名散

閔洪琴賦曰汝南鹿鳴張女

詠園桃

之天天歌棗下之纂纂

魏文帝園桃行曰天天園桃無子空長虛美難假偏輪不行古

咄暗歌曰棗下何攢攢榮華各有時棗欲初亦時人從四邊來棗過今日賜誰當仰視之攢聚貌纂與攢古字

通歌曰棗下纂纂朱實離離

毛詩曰其實離離毛萇曰離離垂也宛其

落矣化為枯枝

毛詩曰宛其死矣毛萇曰宛死貌

人生不能行樂死何

以虛謚為

楊惲與孫會宗書曰人生行樂耳謚法曰謚者行之迹也

爾乃引飛龍鳴

鷄雞雙鴻翔白鶴飛

飛龍鷄雞已見上文古樂府有飛來雙白鶴篇

子喬輕舉

明君懷歸荆王喟其長吟楚妃歎而增悲

歌錄曰吟歎四曲王昭君

楚妃歎楚王吟王子喬皆古辭荆王子喬共辭猶存

夫其悽戾辛酸嚶嚶闕闕若

離鴻之鳴子也

爾雅曰關關嚶嚶音和也

含嘲啾諧雍雍啾啾若羣

鷦之從母也

洞簫賦曰噴含嘲以紂藿禮記啾諧慢易繁文簡節之音作而民康樂爾雅曰雍雍和

也毛萇詩傳曰啾啾和聲遠聞也歌錄步出夏門行古辭歌曰鳳凰鳴啾啾一母從九雛郁將劫悟

泓宏融齋

郁將口循孔說劫悟氣相銜激泓宏聲大貌融齋聲長貌說文曰泓下深也哇咬

嘲啾壹何察惠

舞賦曰吐哇咬則發皓齒說文曰哇謔聲也咬淫聲也楚辭曰鵲難嘲啾而悲

鳴哇咬嘲啾聲繁細貌

訣厲悄切又何磬折

訣厲謂決斷清冽也悄切憂貌磬折言其

聲若磬形之曲折也

若夫時陽初暖臨川送離

神農本草曰春夏為陽莊子曰暖然

似春楚辭曰登山臨水送將歸

酒酣徒擾樂闌日移

漢書音義應劭曰不醒不醉曰酣擾

謂擾攘裝飾也 疎客始闌主人微疲韓子曰穰歲之秋

鄭玄曰闌終也 書注曰闌言希也 謂飲 弛絃韜籥徹塤屏箎杜預左氏

酒半罷半在謂之闌 解也韜藏也絃謂琴瑟也孔安國論語注曰徹去也屏

除也廣雅曰長琴三尺六寸六分五絃瑟二十七絃也 爾雅曰大籥謂之笙郭璞注曰籥如笛三孔而狹小廣

雅曰七孔大塤謂之簫郭璞注曰籥如笛三孔而狹小廣 銳上平底形似稱錘六孔小者如雞子大籥謂之籥郭

璞曰籥竹為也尺四寸圍三寸一孔上出三寸分有翹 橫吹之大者大一寸 爾乃促中筵攜友生解嚴顏擢幽

廣雅曰六七孔也 情舞賦曰嚴顏和而怡 披黃包以授甘傾縹瓷以酌郵

尚書曰厥包橘柚說文曰縹青白色字林瓷白瓶長縹 大果切鄒陽酒賦曰醪醴成綠瓷既啓又曰其品類

則沙洛渌鄆鄆若下齊公之情吳

光歧儼其偕列雙

鳳增以和鳴

光華飾也歧衆管也以其分別故謂之岐或作伎謂光華之伎也西京雜記曰成帝

侍郎善鼓琴能為雙鳳之曲

晉野悚而投琴況齊瑟與秦箏

子野師曠字晉

人故曰晉野杜預左氏傳注曰悚懼也史記蘇秦說齊王曰臨菑其民無不吹箏鼓瑟歌錄有美人篇齊瑟行風俗通曰箏蒙恬所造楚辭曰扶秦箏而彈徽新聲變曲奇韻橫逸縈纏歌鼓

網羅鍾律爛熳以放豔鬱蓬勃以氣出

熳爛光明貌蓬勃氣出貌

秋風詠於燕路天光重乎朝日

魏文帝燕歌行曰秋風蕭瑟天氣涼傳玄長蕭

歌有天光篇魏文帝善哉行有朝日篇言既奏天光又奏朝日故曰重也重逐龍切大不踰宮細

不過羽

鄭玄月令注曰大不過宮細不過羽國語冷洲鳩對景王曰臣聞琴尚宮鍾尚羽大不過宮細

羽不過

唱發章夏導揚韶武

樂動聲儀曰堯樂曰大章禮記曰大章章之也鄭玄曰言

堯德章明也樂動聲儀曰舜樂曰大韶禹曰大夏武曰大武

協和陳宋混一齊楚

樂動

聲儀曰樂者移風易俗所謂聲俗者若楚聲高齊聲下所謂事俗者若齊俗奢陳俗利正也又曰先魯後殷新周故宋然宋高俗也張衡舞

邇不邇而遠無攜聲成文

而節有叙

左氏傳昭公二十九年吳公子札來聘魯人為奏四代樂為之歌頌季札數曰至矣哉邇

而不邇遠而不攜節有度守有叙凡人邇近者好在邇邇此樂中乃有不邇之聲凡人相遠者好在攜離此頌中乃有遠不攜離之音毛

彼政有失得而化以醇薄

呂氏

詩序曰聲成文謂之音

春秋曰其治厚者其樂厚其治薄者其樂薄樂所以移風於善亦所以易俗

於惡

孝經曰移風易俗莫善於樂

故絲竹之器未改而桑濮之流已

作

禮記曰絲竹樂之器也又曰桑間濮上之音亡國之音鄭玄注曰濮水之上地有桑間者亡國之音於此

水惟簧也能研羣聲之清惟笙也能總衆清之林

言衆若林

能總之禮記曰唱和清濁迭相為經鄭玄曰清謂蕤賓至應鍾濁謂黃鍾至仲呂

衛無所措其

邪鄭無所容其淫

禮記曰鄭衛之音亂世之音

非天下之和樂不易

之德音其孰能與於此乎

禮記曰順氣成象而和樂興焉又曰德音之謂樂周易曰

非天下之至精其孰能與於此

嘯賦

鄭玄毛詩箋曰嘯覺口而出聲也篇文為歇在欠部毛詩曰其嘯也歌

成公子安

城崇緒晉書曰成公綏字子安東郡人也少有俊才解賦壯麗徵為博士

歷中書郎

逸羣公子體竒好異傲世忘榮絕棄人事

丈子曰傲世賦物不汙於

俗漢書曰張良願棄人間事欲從赤松子遊

晞高慕古長想遠思

謝承後漢書曰陳謙

晞高視遠清舉矯俗馮衍顯志賦曰獨耿介而慕古舞賦曰遠思長想

將登箕山以抗節

浮滄海以游志

箕山已見上文論語子曰道不

於是延

友生集同好

尚書序曰與我同好

精性命之至機研道德之玄奧

周易曰乾道變化各正性命管子曰虛無無形謂之道
化育萬物謂之德應德速馳射賦曰窮百氏之玄奧

慙流俗之未悟獨超然而先覺

禮記曰不從流俗老子曰雖有榮觀燕處超然

孟子伊尹曰天生斯民使先知覺後知使先覺覺後覺也

狹世路之阨僻仰天衢而

高蹈

史記曰不從流俗王之阨僻羽獵賦曰狹三王之阨僻孔融爲彌衡表曰龍躍天衢左氏傳齊人歌

曰魯人之臯使我高蹈

邀跨俗而遺身乃慷慨而長嘯

琴賦曰棄事遺身遺

身謂其身事楚辭

于時曜靈俄景流光濛汜

廣雅曰曜靈日也俄

邪也歸田賦曰於時曜靈俄景楚辭曰出逍遙攜手跋自暘谷次于濛汜淮南子濛汜日所入處

逍遙攜手跋

跼蹐

廣雅曰跼蹐跼蹐也跼蹐與跼蹐古字通

發妙

左氏傳爲啓疆謂魯侯曰今君若步玉趾

聲於丹脣激哀音於皓齒

神女賦曰朱脣的其若丹
楚辭曰美人皓齒嫫以嫫

抑揚而潛轉氣衝鬱而燦起

言聲在喉中而轉故曰潛
也燦起言疾字林曰燦飛

也大協黃宮於清角雜商羽於流徵

黃宮謂黃鍾宮聲清
角已見上文宋玉笛

賦曰吟清
商追流徵

飄遊雲於泰清集長風乎萬里

言所感幽深
有同龍虎聖

主得賢臣頌曰虎嘯而風冽龍興而致雲
泰清天也鶚冠子曰上及泰清下及泰寧

曲既終而響

絕遺餘玩而未已良自然之至音非絲竹之所擬是故

聲不假器用不借物近取諸身後心御氣

周易曰近
取諸身動

脣有曲發口成音觸類感物因歌隨吟大而不誇細而

不沈

沈滂漫也琴道而流漫細聲

曰大聲不震盪不湮滅而不聞

清激切於竽笙優潤

和於瑟琴玄妙足以通神悟靈精微足以窮幽測深老

曰玄之人玄泉妙之門禮記曰夫禮樂通乎鬼神窮高遠而測深厚精微已見上文

收激楚之哀

荒節北里之奢淫

楚辭曰宮庭震驚發激楚王逸曰激楚清聲也史記曰紂使師涓作淫聲

北里之舞濟洪災於炎旱反亢陽於重陰

言有洪水之災濟之以炎

靡靡之樂

旱有亢陽之災反之於重陰說苑曰湯時大旱七年煎沙爛石靈寶經曰禪黎世界墜王有女字姓音生仍不

言年至四歲王怪之乃棄女於南浮桑之阿空山之中心女無糧常日咽氣引月伏精自然充飽忽與神人會於

丹陵之舍相林之下姓音右手題石壁之上語姓音汝雖不饒言可憶此文也遺朱官靈童下教姓音治災之

術授其采書八字之音於是能言於山出邀在國中國
中大枯旱地下生火人民焦燎死者過半穿地取水百
丈無泉王怖懼女顯其真為王仰囑唱引萬變曲用無
天降洪水至十丈於是化形隱景而去

方

鄭玄論語注曰方常也

和樂怡懌悲傷摧藏

推藏自抑挫之貌言悲傷能挫於人

琴操王昭君歌曰離宮絕曠身體摧藏

時幽散而將絕中矯厲而慨慷

矯

也徐婉約而優游粉繁驚而激揚情既思而能反心雖

哀而不傷

毛詩序曰閔唯哀而不傷

總八音之至和固極樂而無荒

毛詩曰好樂無荒

若乃登高臺以臨遠披文軒而騁望

新語曰高臺百

仞文軒彫窻楚辭曰白蘋兮騁望

喟仰拊而抗音嘈長引而慘亮

慘亮已見

上或舒肆而自反或徘徊而復放孔安國尚書傳曰肆緩也或再弱

而柔撓或澎湃而奔壯說文曰冉弱長貌上林賦曰柔撓嫫嫫橫鬱鳴而

滔洄冽飄眇而清昶滔洄如水之滔漫或竭洄也飄眇聲清長貌眇他鳥切爾雅曰洄竭

字林曰冽寒貌逸氣奮湧續紛交錯列列颺揚啾啾響作奏胡

馬之長思向寒風乎北朔古詩曰胡馬思北風又似鴻雁之將雛

羣鳴號乎沙漠似雁之音已見琴賦字林曰鳴聲也大

將軍絕幕應劭曰幕匈奴之南界傳瓚沙土曰幕今案

决幕漫也西域傳曰難晚國以銀為錢文為騎馬幕為

人面如淳曰幕音漫韋昭曰幕錢背也然則漫幕同義

古詩曰北匈奴中沙漠地也崔浩謂之河底故李陵歌

曰徑萬里兮度沙漠是也猶今人呼帳幔亦曰幕可依
字讀義無與今書或作漢音訓同說文曰漠北方流沙

故能因形創聲隨事造曲應物無窮機發響速怫鬱衝

流參譚雲屬

怫扶勿切淮南子曰通古之風氣以貫譚萬物之理譚猶著也參譚不絕人曰龍舉

而景雲屬

若離若合將絕將續飛廉鼓於幽隧猛虎應於中

谷

楚辭曰後飛廉使奔屬王逸曰飛廉也伯也毛詩曰大風有隧春秋元命苞曰猛虎嘯谷風起類相動也

南箕動於穹蒼清飈振乎喬木

毛詩曰維南有箕春秋緯曰日月失其行離于

箕者風爾雅曰穹蒼蒼天也毛詩曰南有喬木散滯積而播揚蕩埃藹之溷濁

國語冷州鳩曰太族所以金奏贊揚出滯也姑洗所以修潔百物考神納賓鄭玄儀禮注曰播散也風賦曰駭

澗濁揚厲錄說

變陰陽之至和移淫風之穢俗

禮記曰夫禮樂

行乎陰陽又曰移風易俗鄭玄曰樂用之則正神人和陰陽

若乃遊崇岡陵景山臨

巖側望流川坐盤石漱清泉

景山大山也聲類曰盤大石也說文曰漱蕩口也

藉皋蘭之猗靡蔭修竹之蟬蛩

楚辭曰皋蘭被徑斯路漸猗靡隨風之貌楚辭

曰嫵媚之修竹枚乘苑園賦曰修竹檀樂也

乃吟詠而發散聲駱驛而響連

駱驛不絕貌

舒蓄思之悱憤奮久結之纏綿

論語子曰不憤不啓不悱不發

字書曰悱心誦也芳心滌蕩而無累志離俗而飄然

莊子

曰聖人無天災無物累淮南子曰單豹背世離俗

若夫假象金革擬則陶匏

孔安

國尚書傳曰象法也禮記
曰器用陶匏尚禮然也

衆聲繁奏若茄若簫礪震

隱訇磕礪嘈

字林曰磕大聲也礪芳龍
切礪音郎礪音勞嘈音曹

發徵則隆冬熙

蒸騁羽則嚴霜夏凋動商則秋霖春降奏角則谷風鳴

條

列子曰鄭師又學琴於師襄師襄曰子之琴何如師
文曰請嘗試之於是當春而叩商絃以召南呂涼風

總至草木成實及秋而叩角絃以激夾鍾溫風徐迴草
木發榮當夏而叩羽絃以召黃鍾霜雪交下川池暴涸

及冬而叩徵絃以激蕤賓陽光熾烈堅冰立散師襄曰
雖師曠之清角鄒衍之吹律無以加之張湛曰商金音

屬秋南呂八月律角木音屬春夾鍾二月律羽水音屬
冬黃鍾十一月律徵火音屬夏蕤賓五月律鄭玄禮記

注曰喜燕也聲
類曰喜與字

音均不恒曲無定制

均古韻字也鴟冠
子曰五聲不同均

然其可喜一也晉灼子虛賦注曰文章假借可以協韻均與韻同行而不流止而不滯

已見上文隨口吻而發揚假芳氣而遠逝音要妙而流響聲

激曜而清厲激曜清淚貌曜音翟信自然之極麗美殊尤而絕世

杜預左氏傳注曰尤異也越韶夏與咸池何徒取異乎鄭衛樂動聲儀曰黃

帝樂曰咸池韶夏鄭衛已見上文于時繇駒結舌而喪精王豹杜口而

失色孟子曰昔者王豹處於淇而河西善謳繇駒處於高唐而齊右善歌言二人以歌謳化齊衛之國鄧

析子曰左右結舌西京賦曰喪精亡魄漢書虞公輟聲鄧公曰內杜忠臣之口莊子曰見天子之失色

而止歌甯子斂手而歎息晏子春秋虞公善歌以新聲感景公晏子退朝而拘之漢

興又有虞公卽劉向別錄曰有人歌賦楚漢興以來善
推歌者魯人虞公發聲清哀遠動梁塵其世學者莫能
及淮南子曰寗戚欲干齊桓公困窮無以自達於是為
商於齊宿于郭門之外桓公郊迎閉門辟住車爝火甚
盛從者甚衆戚飯牛車下望桓公而悲擊牛角而疾商
歌曲寗戚衛人商金聲清故以為曲歌曰出東門兮厲
石班上有松栢兮清且蘭麓布衣兮緼縷時不遇兮羌
舜牛兮努力食細草大臣在爾側吾當與爾適楚國應
劬曰齊桓夜迎客寗戚疾擊其角商歌曰南山嵒嵒白
石爛生不遭堯與舜禪短布單衣適至衛從昏飯牛薄
夜半長夜暝暝何時旦七略曰漢興善歌者魯人虞公
發聲動梁上塵呂氏春秋曰寗戚至齊算宿于郭門之
外桓公郊迎客夜至闕門寗戚飯牛望桓公而悲擊牛
角疾歌桓公聞之歌者非常人也命後車載之史記春
申君曰秦楚臨
韓韓必歛手

鍾期棄琴而改聽孔父忘味而不食

論語

曰子在齊聞韶三月不知肉味孔安國曰不圖為樂之至於斯周生烈曰孔子在齊聞韶樂之盛故忽忘肉味王肅曰不圖為韶樂百獸率舞而抃足鳳凰來儀而拊之至於此此齊也

翼尚書變曰於予擊石拊石百獸率舞蕭韶九成鳳凰來儀孔安國曰雄曰鳳雌曰皇靈鳥也儀有容儀也

備樂九奏而致鳳凰也乃知長嘯之奇妙蓋亦音聲之至極晉書阮籍

字嗣宗陳留人是人容貌瓌傑志氣宏放尤好老莊嗜酒能嘯籍嘗於蘇門山遇孫登與商略終古棲神導氣之術登皆不應籍因長嘯而退至於半嶺聞有聲若鸞鳳之音響乎巖谷乃登之嘯也

文選卷十八